

5568.8
3024.1
15

表

劉齋集
卷五

共七

BERKELEY
LIBRARY
UNIVERSITY OF
CALIFORNIA



24/10/1872

剛齋先生集卷之九目錄

墓表

打愚李先生墓表

石谷先生宋公墓表

參奉 贈參判鄭公墓表

學生徐君墓表

鍾巖鄭公墓表

樹谷柳公墓表

學生宋公墓表

持平崔公墓表

通德郎金公墓表

李亮汝墓表

成均進士金公墓表

默齋崔公墓表

成均生員鄭公墓表

學生洪公墓表

通德郎朴公墓表

四事堂李公墓表

副總管許公墓表

處士房公墓表

成均生員安公墓表

掌樂院正 贈都承旨崔公墓表

贈承旨李公墓表

逝水軒金公墓表

三洲崔公墓表

剛齋先生集卷之九

墓表

打愚李先生墓表

打愚李先生歿幾二百年墓尚無顯刻士林恨之後
孫府使植袖先生從孫陶菴文正公所撰幽堂之文
而眎余曰將樹表請識其陰余固不敢當而亦不敢
終辭謹按先生幼岐嶷有器度稍長留意經學丙丁
後見天地翻覆上書本生考議政府君願不就公車
府君許之遂往從慎獨齋金文敬先生受性理羣書
先生濶期謂之又從吾先子尤菴文正公及同春先

生遊二先生待以友而先生執弟子禮益恭先生爲學以大學爲基本窮格爲先務而曰知行當並進又曰涵養當先於窮理終之以主敬 孝廟戊戌以諮議被徵 顯廟嘗以先生所陳說問于同春同春對曰諮議說俱是也 孝廟賓天上疏乞行文敬先生所定君臣服制不果行尋又疏請振紀綱勉 聖學仍論諸宮家折受弊尹善道托禮論誣二宋先生及善道投畀權譔伸救被劾先生上疏論善道譔罪戒上無墮於二人術壬寅宰扶餘毀淫祠祛宿弊癸卯丁議政府君憂服除拜工曹正郎 上幸溫泉特命

宣諭先生感激赴召三拜持平皆不就因天災疏請
上以十責責己戊申拜進善會 上復幸溫泉賜食
物且給駟使隨後先生辭以疾翌年又承 命詣溫
宮陞掌令疏屢千言明聖學嚴宮禁得人才辨邪正
振紀綱崇節儉恤民隱其大目也壬子陞執義時同
春疏斥倖相積 上斥以伐異先生亟草疏力諫以
爲臣素知積爲人不過斗筲器本非吉士不無一長
可取不可假以廊廟權因此斥一佞臣疑儒臣以伐
異恐有歉於平日禮待之意 上震怒命削先生職
相臣金公壽恆請以 明廟所以處曹植者爲法

上意不解 肅廟乙卯積黨以禮論禍士林尤菴椿

棘同春被追謫先生竄寧海先生嘗見尹鑄目視不

端謂不吉人因絕之至是鑄積合勢而先生竄焉庚

申宥還 別諭促召以論積有先見也辛酉上疏陳

正君心正朝廷引宋朝為喻云羣小所謂誤禮同於

斥程朱偽學欲綱打士林同於章蔡侂冑趙綱配

廟庭同於安石配文廟當路諸臣之欲收拾亂逆同

於范呂諸賢兼收異趣末以為苟無明道力量則當

遵朱子規模 上嘉納拜成均司業壬戌特除刑曹

叅議先生上疏請收資級時 上招賢益勤而以先

生因職名不安特許遞翌年春強疾赴 召命除肅
謝叅講席日賜對有玉圈貂帽食物之賜又拜兵曹
叅知近臣言宿衛劇地非所以處賢者移戶曹叅議
秋擢拜漢城府右尹陞左尹先生連章固辭甲子尹
拯背師擬書極其誣毀先生以爲此世道大變移書
告絕拯嚴正又於論事疏中微及其事以爲君子中
之小人如陰病裏症極可畏請明察陰陽消長之幾
疏及書幽人謂大禍立至先生道然不顧戊辰特拜
吏曹叅判屢拜大司憲時湖西有綱常獄人情同憤
聽獄者緩治先生於辭疏略及刑政解紐之失拯黨

常欲陰中而未得其便至是易遣道臣悉翻舊案諉
 先生證成其獄凶徒又次第疏捏謂先生用意誣人
 已已鑄積餘孽復當國構先生益急遂至對吏羣小
 百計鍛鍊終無可罪又不欲全釋經歲遷就竟以庚
 午正月十九日卒於獄中距其生庚申七月二十七
 日為七十一歲矣二庶子一門生一奴皆死桁楊噫
 亦慘矣乙亥校理閔公鎮厚白其冤 特命復官宰
 臣又有構陷者成命旋格丁酉 溫幸湖儒上章誦
 冤 上俯詢諸臣左相金公昌集畢暴冤狀 上意
 釋然命還其爵秩遣官致祭 肅廟昇遐士禍大起

先生又被追削 英宗乙巳復官賜祭公論始大定
正宗戊申特贈吏曹判書今 上甲子賜諡文穆先
生始葬楊根後一年移卜全義故第之北與夫人合
封先生牛峯人諱翔字雲舉號打愚上祖高麗侍中
公靖本 朝觀察使吉培判書承健副提學之信最
顯副學生 贈贊成劼贊成生戶曹參議 贈領議
政有謙配坡平尹氏處士弘裕女先生其第三子也
幽后叔父諱有誠以先生貴 贈叅判妣全州柳氏
主簿榮遇女配韓山李氏牧隱後孫牧使聖淵女慈
仁溫順有六女無男以族子晚慶爲后女適縣監宋

炳文申徵華都事吳遂大主簿金恆壽申鎮叅判洪
禹傳劍曲晚初晚顯即死於禍者女爲洪鼎敘妻晚
慶三男一女紳纘奉事絢直長壻鄭觀周宋繼子堯
卿都正申繼子魯校理金男鐵根生員璞根申繼子
思億洪男啓祿啓禧女李淹曾玄以下不能盡錄嗚
呼先生生于詩禮家早遊金文敬門又爲吾先祖文
正公道義之交共被知遇於 孝廟曲處榮辱靡不
與同終爲凶黨所構至於瘐死不知者或咎先生以
不諒時勢自速世禍而吾先祖以嫉惡正俗四字爲
先生斷案况前後之伸白先生者皆一代名碩則觀

於此可以知先生矣烏可與不知者道也

石谷先生宋公墓表

嗚呼此懷德縣東馬山里之負乾原石谷宋先生之墓也 肅宗己未先生爲師門上疏訟冤爲羣小所構陷死於鞫獄三月十七日也時火色彌天莫敢收尸先生同門尹公以健以性兄弟殯斂藁葬五月乃返窆于先兆先生諱尚敏字子慎我恩津之宋著自高麗判院事諱大原而以名行傳世有護軍諱時興以孝親睦族見稱於鄉黨先生之考也尤菴先生寶銘其墓妣草溪周氏司果命立之女也先生生于

天啓丙寅二月二十五日自能言便解文字幼聞古
聖寢不尸之訓終身不偃臥十一歲遭內艱哀毀如
成人奉護軍公竭力供滸澹病憂喪哀咸致其極稍
長力學不倦嘗著擊蒙詩及送人歸安宅序長老見
之皆曰不但爲舉子業者及登師門聞爲己之方益
自刻勵師法聖賢以親命赴舉捷戊子生員遂專意
於窮經玩理尤致力於朱子書家素貧雖在菽水艱
乏之時辭受亦甚不苟故人獲其受輒以爲幸焉甲
寅鑄穆托禮論構士禍尤菴先生柝棘同春先生追
奪朝紳章甫訟寃者率被竄謫丁巳告廟論起師

門慘禍將不可測先生爲兩師門不勝痛迫考據禮
經纂成一冊子欲以辨師誣悟主聽爲儕流所力
挽而不果者三末乃不告於鄰里親戚挺身詣闕以
短疏繳進所編書羣凶誣以大逆酷被桁楊臨沒陽
陽如平日得年五十四庚申夏化老峯閔公鼎重清
城金公錫胄白其寃於榻前命贈工曹佐郎錄用
其子醉夢李公秀彥刊行先生所編冊子己巳凶黨
復進收贈命毀疏板甲戌門人申用濟上疏辨誣
命還其職復其板己卯以孝行旌閭後以士論配享
于懷德靖節祠配順天朴氏察訪繼立女有懿行後

先生歿葬祔先生兆後無嗣以堂兄尚謙子後錫爲後官直長直長三男曰禎龍禎麟禎鳳今樹表而屬余識其陰者教義教中五代孫也嗚呼自孔顏畏匡之後孰不聞爲師致死之義數千載之可冀能允蹈者惟我東之先生而已苟非真知實踐豈能辨此一死也考其時天之生先生似不偶也若其學問造詣亦當求之於疏冊况吾先子六度祭文暨丈巖鄭文敬狀文遂菴權文純享祝可以傳信於無窮更何以贅茲敢撮略以示後人無使樵牧蹂躪乎斯邱焉

祭奉 贈祭判鄭公墓表

松江鄭文清公後承名德相望而其風流標致不失
古家規範者叅奉 贈叅判諱櫓字子修是己公烏
川人高麗平章事諱均之爲鼻祖簪組蟬聯有諱思
度入我 朝知議政府事諡恭簡四傳至文清公諱
澈尤以忠清剛直著名官左議政封寅城府院君公
其六世孫也高祖諱沔縣監曾祖諱世演 贈左承
旨祖諱洽府使學於尤菴先生先生稱其穎粹不墜
家聲辛壬禍不叅僞盟爲李眞淳所啓就理添病而
卒考諱一河 贈左承旨所生考諱鎮河承旨公之
再從弟也號智谷文行爲士友所推姓龍仁李氏縣

監宐璋女繼妣光山金氏學生益花女所生妣竹山
安氏佐郎汝器女公生于 肅宗甲戌九月二十五
日幼岐嶷聰慧稍長受業於從祖守環公文理驟進
己丑幽后是年五月遭李夫人憂翌年十月又遭智
谷公艱時公年未弱冠千里奔走兩家喪制情文備
至戊戌遭承旨公憂於祖考麻田任所勒歸鎮川楸
下守墓終制甲辰四月喪配繼又遭麻田公喪承重
居憂內無主饋而饋奠之節極其洗腆公常以不克
終孝於智谷公爲至痛於是奉安夫人歸隱洞與本
生仲季連牆對門昕夕愉婉以萬壽洞三字扁揭于

萱堂蓋洞在昌平故居家後而晦翁鄉關之思壽母
之意皆寓於是焉辛亥除 息陵叅奉壬子夏在直
所忽心動卽歸覲安夫人添宿患已有日人皆異之
未幾遭巨創權厝鎮川癸丑返葬于同福制除與季
弟挈眷入京與諸名勝修世好資講討間以碁酒跌
宕洛下士大夫皆高仰之辛酉以微事爲時相所誣
奏編配聞慶公愛仙遊洞水石之勝與若而士友初
小亭觴詠其中無羈累意玉所權公廢記之而稱醉
仙公因自號焉壬戌宥還所居隱洞距鳳巖蔡公纔
數喚公於蔡公以舅甥之親兼師友之誼逐日往還

難疑答問以爲晚年樂事戊辰七月十八日考終于
正寢享年五十五初葬隱洞文清公兆下移窆于爺
孃山下凌堤村之枕甲原以長男寅煥貴 贈叅判

寅恩若公資稟寬而確襟懷爽而傑規模廣大氣像
渾厚事親極其孝奉先盡其誠平生眼無青白口不
雌黃而於義利淑慝卞別甚嚴不妄交人必觀其趣
向議論而於周窟恤急常如不及教子弟以忠信剛
介爲傳家楷範自少有志於爲己嘗講大學于禹漣
川世一禹公極稱其通透又從北軒金公春澤學金
公許以需世才作字說以貽之公之沒也一時諸公

皆爲之挽誄宋公文相曰善繼忠清後克持赫世聲
金公令澤曰居然豪傑士終是大人宋公煥教曰
斯世皆權術惟公獨坦眞皆記實語而可以想公之
大槩也配昌寧成氏牛溪先生後孫圭錫之女生於
丙子沒於甲辰繼配仁川蔡氏鳳巖先生之洪其考
也生於丁亥卒于丙申皆有婦德而祔公墓男長寅
煥叅判襲封寅寧君次述煥次明煥幽后成氏幽次
章煥次克煥魁科佐郎女長適校理李克生次適生
員宋明輝次適宋新休長房四男在協在衡在田在
順三女適崔公漢權祇李鳴九次房五男在玉在重

在德在善在新一女適黃仁騫而曰在忠在孝及女
 為李鎮璞妻者側出也二房子在性在賢女適金在
 孝四房子在公在俊在常在英在常幽后女適宋治
 休李寅啓而側出曰在儻在儻五房子在敏在默女
 適李周升金宐休趙一圭李克生于滄峻瀛峻宋明
 輝子元翼女李學宗金在默洪榮南海重宋新休
 子文綱文綱女李

鄭

內外曾玄不盡錄鳴

呼公以名祖賢孫材器足以需世而位不過一命壽
 止於中身不得少展其抱負甚可惜也第其振振繩
 繩可以驗燾後之德而庶其有不食之報歟公之孫

在俊來謂余曰吾祖墓將豎表謁文於性潭先生先生首肯曰承顏而景仰已自少時今於此何忍辭不幸未及滋筆矣今追成先生之志者非子而誰余辭以不敢而屢返不已遂謹撮其家狀如此云

學生徐君墓表

有以大家子行義可以範俗才猷足以需世而不幸壽未中身沉沒無聞爲士友所悼惜者徐君耆輔德哉是已君達城人高麗中郎將閏爲鼻祖曾祖命勳縣令祖迴修觀察使考有秉承旨妣全州李氏 贈弘文正字惟年女君生于 正崇戊戌正月二十六

日以觀察公命出后承七日公之弟學生有守所后妣
清風金氏夢梧相公鍾秀之女學生公弱冠夭逝金
孺人常含恤如不欲生君自齟齬時已識大義善事
途所生孺人以君為命雖甚愛之所有過則不怒輒
面壁不語君抑首苟侍不色解則不退夢梧公間謫
南海沒又收職帖孺人閉戶臥不肯進食君涕泣寬
譬一飯再飯惟孺人是視以孺人不樂京輦幽寓江
郊廢舉業恆不離親側孺人嘗患腫君侍湯餌不脫
衣帶者殆五十餘日孺人曰吾知吾病不必服藥而
兒子至誠吾不忍違也及居憂孺慕動旁人未及除

密竟以乙酉四月八日終翌月十日葬于砥平孝貞
里爰坐原卽學生公兆次也配清州韓氏府使克裕
女生三男皆不育先君三年生歿亦先君四年始葬
同縣店谷及君葬移祔如禮君沉重有度量幹家甚
有條理雖婢僕必節其飢飽勞佚雅不喜芬華齎於
自奉急於周人家素貧營辦有方不至窘乏推以及
親戚州里嘗曰兄弟之財卽吾財也當通其有無不
可以假貸名令諸弟凡有所用取諸藏中如其家雅
有經濟志周通世務少病不能劬書未嘗以文詞自
居至論經講禮多幽人意表間出歌詩往往有晚唐

遺調蓋其天才素高而然也常以古之失身喪名者
出於畏死爲戒若遇變故毅然有死節意淵泉洪公
夔周君之表兄也許君以經濟器惜其不見用君雖
自廢無所施而其抱負則固不草草矣嗚呼君間嘗
與其弟忠輔聯袂訪余重厚謹飭有古家風且聞其
內行甚篤心實愛好而尚喜其年之可益進取矣遽
爾摧折而今忠輔不忍其泯泯草草事行一通要余言
甚懇余雖老病無文而其何忍終辭茲略撮其狀語
如此俾刻于其墓云

鍾巖鄭公墓表

一蠹先生鄭文獻公後孫綿延累世不甚繁昌識者
疑之至鍾巖公諱德濟子姓振振科第蟬聯此固先
生餘慶而亦豈非公之厚德克享完福也耶公字明
叔鍾巖其號也鄭氏系出河東譜自 贈密直副使
諱國龍六世而至文獻公倡明道學 贈右議政從
祀文廟公其十代孫也高祖諱世杓縣監曾祖諱熙
章察訪祖諱胤獻當 英廟戊申逆亂率宗族倡義
贈吏曹叅議考諱鎮華奉事妣晉山姜氏公齊女以
崇禎再壬戌三月七日生公幼濳沉厚重不妄言笑
見者期以遠到甫冠奉事公歿于京邸公千里戴星

奉檄歸鄉攀擗號痛幾絕者數以不得侍湯終孝爲
沒身恨戊子除 厚陵叅奉移南部奉事以事遽又
除 昌陵叅奉移司獲奉事司圃直長忤上官棄歸
蓋公雖不辭世祿不苟去就未幾又除 肇慶廟叅
奉移典牲奉事陞司圃直長禮賓主簿 肇慶廟令
幽爲清河縣監縣土瘠民貧賦稅煩重公首蠲官用
火卜三十結又減官屯稅穀木炭元價且以邑小吏
多害必及民汰吏額三之二蘇殘去瘼隨事盡心依
文獻公安陰故事春秋行養老禮方伯眞中考物論
寃之公夷然卽束裝還家杜門掃軌更無進取意詩

酒優遊以娛餘年五子分日供奉如陸賈故事教訓
諸子或不可意對案不食輒如萬石君之爲家庭之
內肅如也令 上二十五年乙亥三月十七日考終
葬郡西松坪南山丙坐原配海州鄭氏緯臣女忠毅
公文孚後有梱範事姑孝承祀敬處夫黨御婢僕曲
有恩義後公二年生先公二十九年卒五男東老縣
監東民叅奉東著東耆東翊女適崔寬賢李頤鎮李
進士曰東運東彥側幽也東老五男煥輔進士煥義
司書煥夔煥祖生員煥弼一女適姜鍊東民三男煥
忠煥琦煥震伯仲進士二女適宋觀洙李克聞宋叅

奉東著三男煥奎煥斌煥斗二女適沈有述黃得榮
東著二男煥道煥文三女適慎在中金東昇閔致惇
東翊一男煥載崔三男李二男一女東運五男東彥
四男曾孫男在箕在斗女林觀洙煥輔幽在修女李
稷鉉煥顛幽在機女徐愚淳煥祖幽其餘未冠笄者
不能盡錄嗚呼公以大賢嗣孫有淳姿篤行克承先
徽備享福履天之報施可謂無憾而人猶有惜其屈
於一縣未獲究施者斯可以知公矣煥道煥弼久從
余遊今以其親命持示姜大諫秦重所爲狀而求墓
表余以不文辭不獲遂強病爲之隳楛如此云

樹谷柳公墓表

公諱秦亨字應運號樹谷文化之柳爲東方大族高麗大丞車達之後簪組蟬聯入我朝有諱元顯官漢城判尹公之七代祖也曾祖侃叅奉祖陽輔以才行累被除命見權姦用事竟不就考德新有學行早世妣寶城吳氏恭奉夙齡女婦德甚備公生于

隆慶戊辰十月七日卒于崇禎後壬午十月二十

日享年七十五公英邁夙成八歲遭外艱哭泣之節饋奠之禮儼然若長成人亦能事母以孝已矣後喪哀毀逾禮葬祭一依朱文公家禮廬墓三年足跡不

出山外公少豪爽不羈弱冠始自悔責乃折節讀書
日有程式用力不徹文辭大進至如功令之業儕流
莫能及焉公風神清秀氣宇軒豁當時賢士大夫一
見無不傾倒有求道志遊於沙溪金先生之門先生
稱之以橫渠資稟乙卯取司馬時昏朝黜倫梧里李
公以原任大臣陳疏被罪公與洪公茂績等上章伸
救請亟誅造詗偉卿等以明倫常退而廢舉與崔石
溪命龍趙雲壑平放跡寓懷於山水癸亥 仁廟反
正以沙溪先生薦除 禧陵叅奉移 慶基殿司畜
署別提別坐漢城叅軍宗簿主簿刑曹佐郎濟原察

訪其履歷而丁卯仁居之亂錄昭武勲公雖不免祿
仕清介自守未嘗干謁于當路人以是多之丁卯虜
變有去邠之議公時以別提在京宰執有問本道物
情者公詳陳之仍及應變之策曰江都卽一海中小
島 主上一入海島虜兵蹂躪八方則一島之外皆
非吾有莫若南臨湖嶺以圖萬全此非王欽若江南
之請也朝議是其說 王世子遂分朝南下公扈
駕至全州時我先祖睡翁公以 慶基殿叅奉已陞
遷而未及歸公相對談時事慷慨流涕此可以見公
忠義之一端也嗚呼公有英姿遠識而早受教於大

賢之門則其抱負當如何而蔭路微官未展驥足兵
 火之餘遺稿燬佚無傳其所以為學亦無以考證殊
 可惜也公初娶 贈承旨趙惟精之女再娶進士具
 大仁之女墓在金堤白石面石堤山癸坐原趙氏祔
 左具氏別葬同郡代村面葛公山卯坐原三男二女
 男長曰楫諮議 贈持平趙氏出次曰檣早歿無后
 次曰棹童蒙教官女適士人李國弼李之楷具氏出
 公送長季二男于師門受業長學行著名世稱白石
 先生時人以程太中之宏生兩程子擬倫焉孫男伯
 榮仲榮季榮皆將仕郎季房出而伯榮後長房曰希

榮必榮側幽伯榮四男二女男載乾載益載恆載和
女李宇鳴李鼎昌仲榮三男載熙載謙載厚季榮二
男載千載大玄孫以下多不能盡錄公七代孫命基
從師問學聿追先範而竭力於先事之未遑者來謁
余述公墓表旣歸復遣其弟敬墓至余實固陋無文
不足以闡揚徽蹟而以有世誥之重不敢終辭云

學生宋公墓表

公諱輝大字景川恩津人也我宋遠有代序名碩相
望若雙清公之隱德西阜公之至行俱世所艷稱者
也西阜公有孫諱邦祚以清名直道顯其子忠顯公

諱時榮丁丑立僅於江都於尤菴先生爲堂兄弟而
寔公之五代祖也曾祖諱元錫號蒼巖官翊衛受業
於尤菴克世家聲祖諱達源考諱周相行義爲士友
所推重妣月城李氏草廬先生之曾孫諱端蒙女公
以壬子二月十二日生端雅沉重早襲庭訓動止從
容言議正直伯父從史府君喪獨予以公爲次養俾
攝宗事及長姪復圭入承大宗公遂寓居于聘家所
居月灘里距本家半日程而先忌及俗節必來參雖
祔寒盛暑非甚病未嘗闕泥濘則以木屐徒步往來
遠值祀事雖累日不就寢而未嘗當晝偃臥對方冊

竟夕端坐兄弟會合怡愉湛樂不知日之將暮分離之際不忍相捨行而顧送而望每遲回眷戀嗚呼若公可謂孝友篤行不墜先懿者矣以戊午八月十四日考終于月灘寓所丁卯十月返葬于五柳洞後山亥坐原配密陽朴氏士人聖集女生後公一年歿後公十五年葬德隅申坐原有二子二女男長顯圭次頤圭女適李 朴 顯圭男欽說欽清幽后女適李鏗閔致仁頤圭男欽剛女適朴華鎮欽說有子女皆幼

持平崔公墓表

墓表

崔生濟默從余遊一日袖示其先墓誌一通曰我十
 三世墓有表石所刻即誌文也世代既遠莫知其故
 而今四百餘年字畫漫漶幾不可讀諸後孫合謀欲
 改之誌則將燔磁以埋表之前面當依例大書淺刻
 亦不可無數行陰記而可考文蹟誌文外無他願賜
 一言以責之余辭以老病且無文不獲按誌公諱道
 源字浩然系出朔寧高麗平章事瑜價其始祖也高
 祖諱珣含慶殿副使曾祖諱時玉司憲糾正祖諱守
 明司設署令考諱卜麟左司諫妣泗川姜氏典客令
 諱得封女以 洪武六年癸丑生公幼而聰慧早年

筮仕再爲監察歷戶刑曹佐郎擢司憲府持平四爲
郡守所至有聲績己亥拜咸安郡事庚子冬罷歸晉
陽孝養二親得其歡心辛亥丁姜氏憂廬墓終制及
司諫公沒亦如之以 正統六年辛酉十月四日考
終享年六十九配瑞典金氏正順大夫判書雲觀事
諱善係女以庚申二月四日沒葬晉州城東豬洞仙
鶴峙負癸之原公沒就而合封有四男二女長景溥
生員龍仁教導次景淵副司正次景泉亦副正次景
時河陽縣監女適直提學卞孝文錄事郭庇嗚呼公
當麗季喪紀廢壞之餘前後兩喪守墓終制豈其慕

圃隱鄭先生之爲者耶雖新化方隆舊俗漸變苟非
公誠孝之篤何以如是且不由文譜而擢升臺職其
清裁峻望見重當時固有可想者而年代久遠風韻
莫徵是可歎也第公之後承繩繩益繁文行克紹先
懿公之薰後之德於是益驗是可銘也銘曰

過去既四百年餘兮來者又千秋萬世既埋誌而又
樹表兮餘麻可徵於來裔樵兒牧豎慎勿蹂躪兮是
故臺端衣履之瘞

通德郎金公墓表

金上舍壩將樹表於其王考通德郎公墓遣其弟壩

以家狀屬余識其陰曰今茲來請實遵先人遺意也
余以不文辭不獲而病未滋筆者久矣上舍昆季復
並轡而至謂方治石以待余非不朽人者而猥勤重
托豈不以吾先祖文正公嘗銘公先世故耶按公諱
履逸字聖民善山人高麗牧使起爲鼻祖五世而有
諱就文官副提學受業於朴松堂英之門世稱久菴
先生是生諱宗儒師牛溪成文簡公見重而友善於
沙溪金文元公是生教官諱翽允迪前徽兩世皆文
正公所銘公教官公之玄孫也曾祖諱時顏祖諱相
鉉考生員諱宐鍊妣清州郭氏教官希益之女公生

于 肅宗戊子三歲而失恃及長以不省慈顏爲至痛而盡孝於繼母張氏張氏甚嘉之曰我無已出有之安能如是庚戌遭外艱葬祭以禮毀幾滅性甲寅張氏喪亦如之尤致誠敬於追遠齊戒必具冠服棗盛脯臠之品躬親拘檢務使精潔終身不少衰嘗授學徒孟子書至事孰爲大事親爲大三復流涕曰我早失怙恃不能盡事親之道天地間一窮人也又嘗侍季父見從弟受笞輒泣然曰我則無受笞地季父感傷而爲之撤榎其至性如此而推之以事叔母非甚病朝夕必問候遇佳味不進不先嘗姑姊妹之食

病所以存恤救護無不盡心焉丁巳中發解兩試見
屈於南省遂不復就公車築茅亭於家前湖上置琴
一張碁一局古書數百卷日處其中客至非談論古
今則聽琴觀碁翛然無塵慮客去輒引子姪讀經史
諄諄啓發至夜忘倦平生不以事物經心而樂於爲
義親戚朋友之告以困急極力救濟不計有無總功
子女之孤窮無依率育於家嫁娶以時鄉人之待以
舉火者不知幾家而尤致意於奉老者是以家稍豐
饒而一歲所入不足以充一年之用嘗出穀百餘斛
於村民歲大饑遂焚其券而其聞宗姪病重擇庄中

價高易售者以資藥餌又重宗之意也年五十三而

歿于 英宗庚辰葬開寧縣東崇山壬坐原配晉山

姜氏正郎錫泰之女叅判裕後之孫聰明敏慧慈良

仁淑承接上下咸得其心生先公五年沒後公二十

二年祔公兆後而子坐焉男長樂恆進士次勉恆生

員女適監司朴天衡孫男壩堞壙女適朴來觀者次

房曲而壩生員后長房生員昌浩李憲一權用禮朴

監司子壻也壩一男錫弼不幸早沒曰錫吉側出堞

四男錫耆錫耆錫耆錫孝一女幼壙二男錫模錫奎

三女李鍾福李邁信一女未行錫弼二男二女男祖

永壻趙宣鎬餘幼公資稟寬厚行義敦篤恬靜自守
不染流俗甚爲鄉黨士友所愛慕若朴奉事益齡述
公行蹟於一善誌曰雅量高致有古君子風鄭副率
松於人少許可而亟稱公孝友睦嫻今世罕見嗚呼
可以信於後者其不在斯歟

李亮汝墓表

吾友李君亮汝早年有志於此事嘗遍謁斯文諸先
生長老請業求益不鄙謂余亦時辱遊從余亦相期
不淺竊望其有所成就矣不幸中道夭閔嗚呼惜哉
今其子時贊袖家狀累返懇勤要余表其墓余雖病

國朝文獻通考卷之九

昏其何忍辭諸君諱命采系幽天潢 太宗第八子

謹寧君諱禮其別祖也謹寧當 光廟靖亂時不叅

勲盟人稱其有生六臣節是生玉山君諱躋諡恭簡

朱溪君濬源狀其行有周公富汾陽福不驕不吝等

語是生始安君諱擢是生庇安正諱諭是生行護軍

諱元紘無嗣取從弟叅議諱元綱之子策子之錄原

從勲官府使是生諱重福副司直階嘉善始居全義

寔君之六世以上也祖諱彥挺號澹窩謹拙安貧考

諱敬淑號松溪孝友敦睦奉先之節靡不用極無后

傍親亦置位士士友敬重之妣扶安林氏士人德操

之女溫柔端淑婦德咸備以 正廟己亥八月三日
生君于銅谷里第幼而端秀敏悟超出同隊五六歲
時得果瓜異味輒獻王母金夫人次及松溪公不先
入口王母甚奇愛之呼以孝兒稍長受童蒙習及孝
經等書文理驟進嘗賦詩有山高猶天下水淺亦地
上之句趙公鎮謙聞亟稱獎曰意匠宏偉其進難量
甫成童遭內艱祭奠哭泣之節無異老成不離廬次
不脫衰服君因落傷病勃率松溪公甚加矜憐不爲
督課而君堅固下工弱冠以詩賦鳴一日稟松溪公
曰人生斯世講究經傳操守身心方爲儒者奚專以

舉業爲哉請就學於斯文長老松溪公以其身病而難之君曰身雖病而心不病則庸何傷乎遂往拜性潭宋先生及過齋金先生因摳衣於過齋之門先生教之先辨心性情意等名義又曰口耳之學君子不貴君受而服膺蚤夜不懈未期年先生易箠君爲之制服間嘗倡士友爲先生上疏請貶贈爵諡間遊潭上辨質經義問難疑禮潭翁書贈懲忿窒慾矯輕警惰八字以勉之嘗遊驪江謁李文敬公直輔李公曰妙年求道志甚可尚君平居無戲言傲色奉先克敬事親克孝於朋友必切僎又不吝改過壁上揭爲學

課程節目常以寓目嘗以詩贐赴燕人曰天寒原隰
征懷永水折朝宗舊路移一部麟經莊誦地至今烈
士未堪悲聞者擊節歎賞松溪公周甲晬辰卽甲子
臘月而王母金夫人時已逾八耄君以天時劇寒則
有不便於奉老歡娛預設慶席於十月蓋其喜懼之
心不但以劇寒爲慮而已慶席後未及晬日而金夫
人遽下世於是乎人皆感歎其孝思之周詳焉君旣
從事舉業嘗曰待小成後當杜門藏修以就志業矣
遽以己卯四月二十六日考終嗚呼惜哉以閏四月
二十七日葬于縣南福祚山坐庚之原配咸陽朴氏

歸藏身之卷之九

二十一

逍遙堂世茂之後士人命和女孝順慈柔一男時贊
娶平山申氏舟村孝義公曼之後孫相鳳女無育再
娶杜山盧性德女生一男一女皆幼嗚呼魯論曰苗
而不秀者有矣夫秀而不實者有矣夫若君者苗而
不秀者耶秀而不實者耶天若假之年則當不止於
斯矣嗚呼惜哉銘曰

不以病廢學敦篤其志天不假之年難推者理我銘
無愧辭昭示百禩

成均進士金公墓表

嗚呼善人吾不得以見之者聖人之言也在聖人世

尚然矧乎叔季而故成均進士善山金公諱樂恆字
來遠顧非其人歟公生于 英宗庚戌二月二十二
日沒于今 上癸亥七月二十三日考通德郎諱履
逸妣晉州姜氏正郎錫秦之女監司裕後之孫公以
宏厚之姿有子諒之心幼少見婢僕之被箠撻輒啼
呼諫止家在湖上牛馬之放牧而瀕水者請于長者
必使徙之他處而後已且聰穎過人七歲始就學考
通德郎公嚴條篤課未嘗一受呵責八九歲已能屬
文往往見賞於鄉黨長老讀書潛心究索文理驟進
亦未嘗有自多之意及長事親致其愛敬每事必先

意承順不計難易有無嘗攻苦山房因病羸悴甚苦
恐其貽憂侍親側未嘗有呻楚色庚辰丁憂廬于墓
側朔望歸奠八筵辛丑內艱年逾五十守禮益嚴毀
幾滅性中戊子司馬呈券未及出已見揮場而榜後
始言之人服其雅量焉公奉先以誠情文克備祧廟
忌日亦必食素處家以正思義兼至弟妹之間和氣
融洩性不喜華侈衣不用帛食不重肉而曰薄於自
奉而稍存贏餘周恤窮乏其得失何如耶以故姑母
家之貧不能存者日繼月給積五十年如一日再從
第之身沒無嗣者割田分宅安其眷而立其後久菴

遺集之剗剗竭誠爲之而親戚知舊之嫁娶喪葬賴
公而成者甚多公平居儼然莊重閨門之內極其和
敬子弟之訓必以義方嘗戒之曰功名外物能知內
外之分而盡爲人之道斯可矣吾嘗有志於學而少
時多病不能多讀古人書且不得從事於大人先生
之門是可恨也與人交淡然無戲言苟笑善必稱揚
過若不聞雖異趣者莫不敬服而所與遊皆遠近端
士其天質之美固有過人者而自守之篤亦可見矣
其疾革以承先裕俊之道諄諄遺戒仍誦曾子啓手
足之語而無怛化意夫人請面訣則據禮而不許又

非所謂正終者耶訃車所到莫不驚嗟曰善士亾矣
初葬于府南高士巖壬坐原後改窆于其東岡丑坐
原從先兆也配恩津宋氏通德郎必休之女叅奉相
允之孫貞靜仁淑壺範咸宐有女士行生先公二年
沒後公三年而祔公墓無育所后者公之弟生員勉
恆之長男孀生員生一男錫弼側幽二男錫吉一幼
錫弼二男祖永一幼二女適趙宣鎬鄭洽余嘗表通
德郎公墓矣公之胤上舍復有請曰子之先祖文正
公嘗銘吾先兩世矣子於吾先人墓盍卒惠焉余遂
不敢辭謹撮其狀如此其系幽已詳于先表云

默齋崔公墓表

扶安士人崔君觀錫元錫以其八世祖默齋公行蹟
來示余曰吾諸族竭力經紀將暨表于墓不可無陰
記而世代久遠文蹟散逸略掇譜牒傍註及家傳舊
聞者如斯願賜一言以賁之按公諱活字濬遠全州
人高麗侍中文成公阿爲鼻祖三傳至諱灑入我
朝官戶曹叅議集賢殿提學號月塘卽公之五世也
高祖諱匡之直提學曾祖諱生明以生員薦授京市
殿直 文宗朝從季父煙村先生德之恬退時人擬
之二疏始家于扶安祖諱秀孫進士遊金寒暄門有

至行考諱繼成生員與兄進士弼成俱蒙旌孝之典
事載二綱錄三世四公俱膾鄉祠妣某氏某官某女
蓋公生於孝友之門有篤行遂學而累經兵火家乘
殘缺生卒年月亦不傳况實蹟乎公伯仲二兄同發
解赴省試到恩津之沙橋並沒于浩洋公不勝傷悼
遂絕意科宦扁其居曰默齋而飭躬讀書教導後進
薦授禮賓寺奉事亦不就此爲可據之最而其述先
貽後足以推之矣何必多乎哉墓在縣南席洞子坐
原配扶寧金氏通政義貞之女止浦文貞公塋之後
墓在公墓下有二男長時立仲山立季善立長季皆

奉事孫曾以下不能盡錄余之陋劣謏寡非可以闡
幽於久遠者而觀錫從遊多年且嘗爲之記月塘公
遺墟碑重感其世德之綿延輒忝蕪拙略書此俾歸
刻焉

成均生員鄭公墓表

公諱哲者字聖叟鄭氏系出延日新羅諫官諱宗殷
爲鼻祖入 國朝有諱淵官兵判諡貞肅高祖諱之
河 贈承旨曾祖諱相吉遊吾先祖尤菴文正公之
門其司馬慶席文正公以詩榮之祖諱秦濟縣監考
諱漢明生員妣慶州金氏坡平尹氏生員公之再從

兄生員諱漢宗寔公之生考也公生于英宗癸亥

自幼時莊重不妄言笑文藝夙就孝友兼至及長行

義高潔處事綜密出入於櫟泉宋文元漢湖金文元

兩公之門俱被獎許癸卯秋發鄉解時本生考生員

公適有疾公不忍離側無意赴省試生員公亟令治

發而雷侍又三日生員公曰汝若登庠吾病可差強

令發行果中生員而親濟亦復常人謂之孝感所致

黃太史景源勸公以敦寧筮仕公不應黃公心服其

雅操晚歲移住于先世別墅永慕亭瞻依松楸嘯咏

雲月好讀朱子書及宋子書所著詩文冲淡典雅人

多傳誦常戒子孫曰爾輩當以孝悌忠信四字貼在額上此可見其義方之教也卒于己卯六月二十七日葬于沃川郡北菊原村後負酉之原初娶韓山李頤重女有壺範早沒無育葬祔公墓再娶慶州李雨祿女別葬郡東玄洞先塋左岡有一子一女男惟誠女適司果李憲溥側幽惟誠惟謹惟誠系子致浚嗚呼公昔訪余講舊一接雅儀可知其爲端謹有守人余心實傾嚮病喜因循未及報謝而遽成千古茹恨至今殆不能已今致浚穉屬以墓表不忍以不文辭略撮家狀而系之以銘曰

沃州之北菊原之岡四尺其封高士攸藏有來千秋
樵牧勿傷

學生洪公墓表

公諱以烈字俊卿性潭宋文敬公扁其齋曰道莊洪
氏籍南陽者有二族公祖於高麗開國功臣官太師
諱殷悅而世之所謂唐洪蓋以太師公上世之來自
中國也歷五世有諱灌諡忠平後人以公及李牧隱
鄭圃隱稱爲麗朝三賢有諱斌入我朝各以掌令
自以前朝世祿隱而不仕其後世襲簪纓高祖諱禹
疇號性齋以文行登薦剡曾祖諱錫嘉義祖諱重澤

考諱益，楨，皆早世。妣順天朴氏，胄天女公。以諱益，模
第二男，爲從叔。后本生祖考重溥，著名於蔡鳳巖之
洪之門。所生妣安東權氏，炳女。公生於英宗丁卯
正月三十日。既出后，奉祖母柳氏、母朴氏志物之養。
備至。柳夫人八耄，病劇，醫言當急用蓼劑，而日曛雨
暴，藥肆隔水，蒼黃罔措之際，忽有兩炬在前，導涉取
蓼，收效。人皆異之。柳夫人享年九十一，臨終握手語
之曰：「我之安享遐齡，惟汝之孝。朴夫人有疾，亦嘗禱
天有效。及喪廬墓，終制於生庭，亦極其忠養之方。生
考適客百里地，公一日心動，身汗卽馳而進，則病已

臨城縣志卷之九

三十一

革矣遭故絕勺飲幾滅性鞠還之日哀痛踰禮行路
爲之釀涕友愛篤至目割半之後不赴科場專意訓
誨子姪輒以小學爲先曰此所謂做人樣子每於先
思沐浴致齋年衰而不少懈置祭田葺墓舍克盡報
本之誠卒于周甲之十月十九日宗族鄉黨咸曰篤
孝人歿矣葬于燕岐禾洞枕甲原配扶安林氏養眞
女墓在家後丙向之原後配全州李氏漢賓女甚有
婦德公之爲孝蓋多所賴六親咸稱之墓在委兆下
幾武而向坤有三男二女時昶女適閔章熾林氏出
沂涿涿泳女適鄭煥星趙鎮普李氏出孫男秉一涿

泳長子而後時和餘幼嗚呼孝爲百行之源而公之
至行旣爲人之所推服則餘何須詳鄉鄰多士以之
聞于營邑至顓 蹕路而尚未蒙褒典物論莫不嗟
惜焉沂泳久從余遊今以墓文爲請余老病無文而
不忍終辭略撮家狀俾歸刻焉

通德郎朴公墓表

公諱基歲字孟容平陽人朴氏譜自高麗三重大匡
諱英規國朝 莊光之際忠正公先生諱彭年共其
父文愍公諱仲林一時殉節世所稱六臣之一卽公
之十二代祖也高祖諱慶餘縣監曾祖諱命鼎 贈

寺正祖諱聖俊別檢 贈吏曹參議考諱光昊 贈

吏曹參判妣 贈貞夫人慶州金氏處士裕昆女公

以 英宗壬申二月十八日生稟質穎秀眉眼如畫

學語已知愛親敬長及就學不煩教督而文藝日就

長老皆期以遠大問將來得志所欲何事對曰願占

名區聚九族規模措畫如范氏義庄故事聞者嗟歎

參議公御家有法度公擩染服習一遵小學及長器

宇峻邁風彩軒昂論說古今激切慷慨有竦動人者

遊學漢師與堂兄觀察公基正日夕講磨藝業大進

下筆滔滔詞采燁如嘗舉大小解輒不利南省人皆

惜之丙申丁母夫人憂時弟妹皆幼家徒四壁公事
育辛勤而甘旨之供未嘗乏絕親瘠色憂不脫衣帶
及遭艱戚易兩盡制除既久而語及於親輒汪然幽
涕值喪餘冠帶齊戒省視牲具務盡精潔而必致平
日所嗜好與諸弟既篤友愛且勤誘掖俱有所成就
同室而居家道雍睦推而及於疎遠貧乏不自存者
輒以時周恤焉公平居喜看史籍上自唐虞下暨

皇明徬及東史無不該貫至於卜筮醫藥地理等書
亦皆涉獵其大略蓋通才也有一權宰聞公盛名介
公親知人要一相見於其家公曰士之持身若處女

因緣納交於當路豈士云乎哉遂不復往來於其人
其所以自守者無愧爲忠正後孫也年三十七而以
正廟戊申六月初八日考終于楸下寓舍公承濟貧
之餘篤學又能幹家七八年間庶事稍就緒至是自
知病不能起亟析著分俵於四弟所以區劃曲有條
理其通敏周詳有非人之所可及也以九月十八日
葬于星州新基村先塋南麓廣巖負庚之原所著詩
文若干篇藏于家配全州崔氏進士光翊女墓在陰
城清溪村甲坐原有表石舉二男一女男長升鉉文
科壯元弘文校理次頤鉉有至行早夭女適縣監徐

鴻輔升鉉娶海平尹養烈女一男海朝側幽一男海
殷徐鴻輔四男程淳正字畊淳衡淳行淳二女適朴
僖陽李鼎益海朝一男一女並幼嗚呼公以名祖之
後稟賦既卓異志氣又超邁孝友可以敦俗才猷足
以需世而天閔其年未得小試豈非所謂氣清者數
局耶然校理君早闡巍科進途方闢而文學標望蔚
爲儕流所推天之報施其將在是歟余老病將死久
謝筆研而校理君以舊要遠來勤托不忍終孤其意
略撮家狀俾歸刻焉

四事堂李公墓表

四事堂全州李公墓舊有表歲久漫漶不可讀今其
六代孫學修將改豎短石略記其世系子孫而遣子
洙魯請余敘之蓋公於吾先子文正公爲友壻而以
余爲文正公之後也第其事行當詳於舊表而旣無
以考文獻他無可徵惟吾先子與公往復長牋短牘
璀璨盈軸其臭味之合許與之篤於此可見矣且先
子之北謫也公遠將于常山暨南遷也又送子候問
火色方急而無小懼以此見忤於時輩杜門坎壈以
終而亦不悔其志節如此則其他細行雖略之可也
何必多爲也哉公諱天培字養吾以曾孫邦植壽爵

追榮 贈通訓大夫掌樂院正系幽國姓 太宗王

子敬寧君袞爲七代祖而 贈吏判沉其曾祖也祖

文郁 贈承旨考爍 贈吏叅妣東萊鄭氏節度使

文龍女公生 天啓元年辛酉卒 肅宗二十一年

乙亥享年七十五配韓山李氏牧隱穡之後都事德

泗之女生 萬曆己未卒 顯宗癸未享年四十五

性行端潔御家有法祔公墓清州西稽山壬坐原也

有四男長鍼 贈叅議文鍵銳鏃庶子三人鏐鏃鏞

女三人沈若洛崔選武科韓永錫其婿也孫觀溥

贈叅判咸溥女林鳳徵趙鴻弼長房出次房繼子時

溥也師溥頤溥有溥女宋必燻庶子濟溥四房出頤
溥出后三房曾孫同樞邦植箕植女趙一夔觀溥出
昌植女趙德基兵使南正五威溥出夏植章植女權
讓時溥出春植女金養慶朴夢哲韓匡世金致煜頤
溥出弘植庶子光植師溥出玄孫以下多不能盡錄
云

副總管許公墓表

長陵之世有虞西鄙極選武臣五人世所稱關西五
虎將而副總管許公東豈其一也公字震伯系出金
海麗朝典理判書兼藝文提學諱筮其十一世祖也

我朝受命棄官隱丹城有捲却談王三寸舌丹溪
溪處置茅堂之句蓋自靖之意也祖諱國柱義將
贈兵曹叅判考諱珪軍資監正 贈戶曹叅判妣載
寧李氏進士喜益女以 萬曆辛丑生公幼而英俊
異凡兒九歲連遭父母喪執禮如成人權叅議濤一
見稱大器勉以學業及長姿貌端嚴志氣卓犖嘗歎
曰丈夫屈首劬書不過爲老措大而已母寧以武成
名遂中 天啓甲子科調備邊郎遷訓練院正甲戌
由爲載寧郡守丙子虜亂慶尚右兵使敗沒於雙嶺
仁祖特差公以代己卯以軍哭盡正拜昌城府使辛巳

移金海府使甲申遷甲山府使丙戌入爲訓練僉正
丁亥陞折衝拜叅山僉使己丑拜黃海兵使庚寅遷
長湍府使癸巳授全羅兵使未期移肅川府使甲午
再授全羅兵使是冬轉南兵使翌年遷永興府使有
治績特陞嘉善拜會寧府使丙申再授南兵使辛丑
由副總管拜平安兵使兼安州牧使壬寅入爲訓練
中軍以五月十二日考終于京邸享年六十二訃聞
上遣官致祭祭文曰 皇祖中歲有虞西鄙命選將
才用以不次時維五人一卽卿爾秋返櫬于晉州葬
于山旨洞子坐原配巴山李氏郡守應星女生先公

五年沒亦先公四年夫人性端莊婦道咸備公宦遊四方治家教子實賴夫人云有三子曙晟武府使晚側出二男二女昇晶昌昇昌皆及第女申汝近元萬東孫繕及第科長房出綬及第二房出綸紳徽三房出萬戶純進士統麟生員統縉側三男出曾玄以下不能盡錄嗚呼公雖用武以進而律身如儒士敦宗追遠內行甚篤權門勢塗足跡不及八宰雄府吏懷而民安七膺闕寄威行而惠孚昌城時華人孔枝秀稱先聖後恥臣僕於虜來投昌界公義而接置彼有嘖言幾乎生稷公方優庇護卒以無辜金賊自黠嘗

因發選要與浚結公不應雖屢見沮抑終不少動及
自點敗人服其先見之明操守之確李相國浣特許
知已而元相國斗杓甚加器重觀於交際亦可以知
公矣惟 孝考朝有志復雪選智勇士吾先子文正
公主其選公與其一云而其時事甚秘今無以詳焉
是可恨也公之後孫燧從余遊請公墓道文甚勤辭
謝不獲遂強病略書之如此云

處士房公墓表

性潭先生宋文敬公之門有質淳心古爲先生所甚
愛者故處士房濬璨字子成其人也公南陽人鼻祖

曰季弘高句麗時來自中國仕至三韓壁上三重大
匡其傳世者國初寶文閣直提學諱士良也提學第
三男縣監九成始家于南原遂爲巨族而以文學行
義著于邑誌者相續曰下川先生諱處仁性潭先生
銘其墓於公爲六世祖也高祖斗胄曾祖秦運祖允
佐考震玄有孝友行妣慶州金氏其考曰益章公生
于 英宗丁卯五月二十三日沒于 純宗戊辰正
月二十日性孝友事父母極其愉婉而養之竭力喪
之以禮友愛弟妹而其嫁娶痛憐於早孤資送之節
特加意焉至於追遠尤致誠恪考妣忌辰同月當是

月則素其衣帶而不出入不食肉齊之日躬察具需坐而待雞將事哀痛無異袒括既祭仍以素衣帶終月其臨沒遺戒亦不他及而以奉先接賓再三丁寧勇於宗黨疾病相救飢餒相恤不憚勞費此又推於孝者而自奉則不以惡衣惡食爲恥曰寒士本分當如是也公既請得下川公墓文於潭門遂執贄受庸學逐年一再至講質不懈先生稱其邊幅不飾表襮不設有古人風送其華陽之遊以遠客初到難免齟齬命第三孫與之偕所以獎與而眷愛者可謂至矣欲知公者宜觀於是蓋公羣行幽於天得非爲勉強

而此行素於 國恤及師喪葬前又是人之所難及者也公之葬在府西時山之鳥洞戌坐原配咸豐李氏大司諫長榮之後學生蘄之女無育葬牛峯下與坐原距公墓數里繼配清州韓氏叅奉養吾之曾孫學生字箕之女葬南生之蓮水洞卯向之原有二男長翊相次殷相次潤相翊相二男煥九煥寅皆不幸早沒殷相二女適金彥淇高定鑿潤相一男幼一女適朴尚淳翊相將樹墓表來謁余識其陰余非不朽人者曾與公相識於潭上甚相愛今讀其狀益知其所未知則有不忍終辭者遂忘其蕪拙而略書之如

此

成均生員安公墓表

有以名家子文行趾美既沒百年而孝友爲鄉鄰之所欽誦者故成均生員安公諱瑗字子直是已安氏系出順興高麗上護軍子美爲鼻祖三世而至晦軒文成公有斥佛教衛聖道之功從祀文廟自是以下九世相繼以文科顯弘文博士諱處順己卯賢世所稱思齊先生也從遊於靜菴趙文正學行見推重北門禍乞養在外得不及遂斂跡南下家于南原公其七世孫也高祖璠事親有至性甲子適變倡義勤

王曾祖壽恆祖斌考後綺妣全義李氏雲搏之女石
灘文貞公慎儀之玄孫公生于 肅宗壬戌十一月
二十二日卒于周甲之三月十一日姿稟穎秀自齠
齠時已知事親之道未嘗有一事見過及長雖業公
車亦知有大研究經旨用力不懈見者莫不期以遠
到嘗侍寢於尊堂有強盜數十持兵突入刃將及於
尊公倉卒公以赤身翼蔽之隨刃迎抗體無完膚血
流如沐盜亦感其孝而遂退公血盡氣昏幾不能甦
彌年藥餌幸而見瘳神思大損至廢舉晚爲悅親赴
英宗五年己酉科取生員遂不復應舉且公侍疾居

憂於二親其曲於至性者皆當求之於古處於兄弟
其友于之篤亦足為法於人而其教誨後進善開導
而嚴課程是以受業者多以文詞名世而取大小科
者五六焉公歿幾年道伯因儒狀登聞其孝行褒贈
之命已下而銓曹失於奉行遂致埋沒可勝嗟惜

哉公之葬在府東元川坊龍湫上負甲原配完山李
氏弘任女吏曹判書夢祥五代孫甚有婦德沒先公
十二年而葬于府西華山金莊洞甲坐原有二男克
謙克恭二女適都事李述源士人柳達側幽一女適
金江孫男珖瓌琳及四女長房幽瑒瓚及一女次房

幽琬一男三女男思謹瓌二男二女男思信思彥琳
三男二女男思訥思仁思文瑒无后瓚一男思義玄
孫以下多不能盡錄公之墓將樹表謁余識其陰者
思訥也乃以耄齡不憚徒行於累百里爲先之誠可
貴其不沫前徽余雖無文且病昏其何以辭公灼灼
羣行固多可書而埋誌旣詳茲撮其大俾歸刻焉

掌樂院正 贈都承旨崔公墓表

壬辰島夷之變湖南節義之卓然者世必稱晉陽三
壯士故兵使忠毅崔公慶會其一也而聯芳齊徽爲
其難兄者掌樂正 贈都承旨諱慶長字善林是已

公海州人麗朝文憲公冲其始祖也曾祖渾司直祖

尹範進士考天符 贈領議政妣 贈貞敬夫人淳

昌林氏進士鐵恭女以 嘉靖八年 中廟己丑生

生而俊異器宇軒豁文藝夙就道伯圭菴宋文忠公

因課試大加稱賞 明廟己酉司馬壬子丁外憂居

喪盡禮服闋與伯氏進士公慶雲季氏兵使公從遊

於梁松川應鼎奇高峯大升德學益進三十六甲子

占文科第二名栗谷李先生榜也歷禮兵曹正佐郎

屢典郡府蔚有聲績蓋公恬於進取低回下邑而亦

急於優養也庚寅拜內膳寺正是年遭貞敬夫人憂

服未闋遭倭變道內義士共推兵使公請起復公曰
主辱臣死何暇顧私我守八筵爾從王事公私之義
庶得兩全兵使公遂墨纓從戎及晉州城陷諸義士
請公繼起公奮然從之遂上章 行朝傳檄列邑以
繼義爲標都元帥權公慄狀聞 行朝備邊司又啓
聞 上曰弟死於國兄又繼起求之古人鮮有其侶
特授繼義兵將印信以褒之公承 命兢惕獎率義
旅直向南原轉至咸陽連破沿路雷屯之賊遂控扼
於固城天將吳宗道歎曰第死兄起忠義激烈陳師
耀兵倭奴懼伏撫軍司憫其衰老啓請以義軍移屬

剛齋集卷之九

四下

於翼虎將金德齡公遂單騎馳赴於龍灣 行在甲

午還家丙申入為掌樂院正戊戌除潭陽府使以其

近鄉為歸休計赴任七月遂賦歸卜築於山陽之竹

溪上流優遊自適辛丑正月一日考終葬于和順縣

東新院洞負乾之原初娶淳昌薛氏叅奉瓊樹女無

育別葬縣東梧谷向午之原再娶興德張氏護軍俊

女附公墓二男三女男長弘字洗馬次弘有通德鄭

女李天迪安孝立宗室雲林君 側曲二男弘遠

進士弘城叅奉洗馬一子後憲牧使側曲新憲文科

縣監謹憲進士順憲通德二子繼憲胤憲 英廟乙

已因儒疏贈都承旨 正廟己酉鄉人立祠嗚呼公
在平世恂恂一文吏也周流縣邑無異常調及夫板
蕩之際方在苦塊之中而殉國一心慷慨激烈觀於
勉弟一言有可知者矣及其繼起不以衰老而自懈
獎率義旅沮遏凶醜 袞袞隆重天將欽服仲季之
間一死一生雖其隨所遇而不同顧何可差殊觀也
終乃斂跡歸鄉以沒其世而 聖朝興感馳贈於曠
世公議不泯俎豆於本鄉公之忠烈於是益彰而所
以崇報者可謂無憾矣第墓尚無顯刻公之八代孫
氣浩來謁余甚勤余床席垂盡久謝筆研而於公家

忠義景仰有素茲強病略撮狀語俾歸刻焉

贈承旨李公墓表

牧隱李文靖後孫有受業于從叔怡愉堂諱德洙之
門甚見愛重而謙恭謹拙克守家法者 贈承旨諱

希淵字而聖是已韓山之李為我東名族稼亭牧隱

麟齋三世文章忠節大顯于麗季入我 朝簪組蟬

聯左議政諱惟清公之五世祖也高祖彥洪忠勳經

歷曾祖洎 贈執義祖湊忠義衛生三男仲曰僉樞

德漢娶將仕郎平壤趙瑄之女無子公以其季 贈

司僕寺正德流第一子為後所生妣南陽洪氏叅軍

雲之女也公生子 萬曆己亥沒于 崇禎己酉享

年七十一葬清州北上黨山下源通里之甲坐原公
性質重厚幼從同隊遊未嘗有雜戲喜怒不妄形言
語不輕發孝友根天自在幼少已有特異行及長早
廢舉業專意養親愛敬備至滄澹溫清竭其誠力日
用云爲必以稟命此其家法之美而苟非公之敦篤
亦何以如是間復往侍生庭與諸兄弟務盡怡悅至
於忠養之方亦不以兄弟在而少弛已誠焉兩家庭
闈之內慈孝無間和氣融融僉樞公嘗語其夫人曰
吾雖無育所子如此子婦又賢事我二人克盡其誠

附錄
卷之九

附錄
卷之九

復何憾焉公善居喪衰經不脫饋奠必親省墓之外
未嘗幽廬外跣步地後喪時年已耆艾守禮益嚴尤
致誠敬於追遠每值忌辰前則齊沐粢盛之具極其
精潔及祭哀痛若袒括初宗黨莫不感歎敬服焉配
趙氏即僉樞夫人之兄生員德立之女仁淑柔惠自
幼已著夫人深愛之告于僉樞公先娶公而定為嗣
生先公二年沒後公九年而祔公墓一男長臣稷以
孝行 贈持平次顯稷 贈叅判四女適士人卞擲
金浩趙壽錫吳震元孫男秀覃秀膺秀綱長房由長
仲皆僉樞秀民僉樞秀郁 贈叅判秀彬二房由而

曰秀國同樞秀岳劍卣卞婿二男東尹東弼金婿三男相郡守檀椀趙婿系子浚吳婿一男再徽內外曾玄甚蕃不能盡錄公嘗曰人之爲人在於學問而趨向門路尤不可不審慎遂令子姪從事於慎齋尤菴二先生之門且以其所受於怡愉公者詔之而勉其勿墜又曰人家四禮有各不同而以從先祖爲說此甚不然禮若失正何可從先本之文公家禮而法乎栗谷擊蒙要訣沙溪喪禮備要者吾家所行汝輩宜識之嗚呼欲知公者觀於此數者可以得其大略矣公以故家人有淳姿篤行而沉沒不顯豈非甚可惜

者耶其 贈左承旨秀品推恩也公六代孫源始將
樹表于墓屬余識其陰余實無文顧以世誼之重謹
撮其家狀如此前面之題公之諸子嘗請得尤翁筆
未及刻而遭鬱攸之災深懷痛恨云

逝水軒金公墓表

士人鰲山金匱澤廷錫瑞石金重源袖 崇禎癸酉

司馬榜一冊及吾先祖文正公短牘二幅來示余講

世好因要余表其先祖逝水軒公墓余辭不獲蓋重

源之七代祖諱振輝 崇禎進士爲吾文正公榜下

而逝水公於進士爲曾祖矣世代玄遠無以徵信而

其飭齋持平壽祖所撰碣銘爲可據公諱應斗字子
樞逝水其自號蓋因其所居而取義於川上也金氏
系幽蔚山鶴城君德摯爲始祖 國朝有諱穩以原
從回軍兩功封麗山君寔公高祖也曾祖達枝副司
正始居長城祖處离生員 端宗遜位後徵執義不
就遺命墓道勿書官銜考俊生員妣慶州鄭氏叅奉
衍女公生于 弘治五年壬子二月十三日生而岐
嶷自童穉動止安詳不離長者側罕與同隊嬉遊不
觀雜戲旣長器宇宏豁顏貌豐滿儼然有德者氣像
不屑屑於舉業而程文日就不以學問自居而自然

近道孝友之行多人所不及 正德八年癸酉取生

員 嘉靖元年壬午登明經丙科自承文院轉弘文

館奉職以公班行肅穆歷忠清都事古阜郡守密陽

府使又嘗爲三道巡撫御史爲政寬平務順民情以

文學應選從使朝 京還 特命寫真以賜丙申由

侍從幽宰順天民服清德立碑以頌庚子以副應教

兼 經筵侍讀官乞養 中廟嘉其孝特除近邑光

州以優其養秩未滿解歸自此不復仕其居家行己

以直待人以信人亦愛敬事親主於不違禮溫清之

奉甘旨之供其疏節也河西先生於公爲三從姪年

又差後而以志行相尚文酒從容焉 嘉靖壬子卽
回甲而卒于九月十一日葬珍原北善積洞子坐原
配利川徐氏生員允忠女有一男百勺大司諫後配
光山金氏通德郎漢公女墓祔公左有四男一女男
大亨務功郎洪勻進士碩亨生進俱中國亨叅奉女
適徐應龍百勺一男振秋進士三女長尹純一次高
敬命忠烈公次申應河庶子克秋柒秋大亨男克晉
生員女宋齊民號海狂洪勻系子克銓宣務郎碩亨
男克悌郡守國亨五男克鍊通德郎克銓幽后克銘
進士克鉉克鏘徐應龍二男夢瑚夢璉振秋男永暉

无后内外曾玄不能盡錄嗚呼公之事行可書者宐
不止此累經兵燹文獻無憑而鰲山章甫俎豆公於
鶴林院則韓文公所稱鄉先生可祭於社者非公之
謂耶今來三君俱佳士又可見故家之遺範矣

三洲崔公墓表

余嘗序錦城之草洞八賢行錄而知三洲崔公之賢
矣今於墓文之請顧何可終辭按公諱希說字景賚
崔氏系幽水原高麗隋城伯文惠公諱永奎爲鼻祖
高祖諱淳敬差官曾祖諱賁澹僉使祖諱瀛叅奉考
諱樂窮濟用監正 贈左承旨妣光山金氏部將攀

女公生于嘉靖丙申姿貌魁偉性度溫和不僉使公墓在草洞西麓有人作室近犯塋域承旨公爲移奉先世祠版方抵京公時未冠卞于官而毀其家人皆器之受業於栗亭崔公鶴齡之門孝友文雅崔公甚期許之萬曆癸酉司馬壬午登明經第歷典籍兵禮二曹佐郎出監珍原縣有清政碑時東西分黨朝象不靖公與同閤柳南湖激謝仕南下詩以見志有青雲難入手白髮易生頭床上黃金盡歸歟碧海秋之句李山海公之中表親也時秉銓勉雷公公曰今日朝論携貳不務鎮靜互相攻擊欲以我爲鷹犬用

耶浩然而歸歟跡鄉園與洞裏七賢築精舍於寶山下
下講討從容任真逍遙庚寅丁承旨公憂戚易兩盡
壬辰亂 大駕播越與張野憂以吉上疏請回鑾豐
沛鄉以爲根本圖戊戌權元帥慄雷陣順天府移書
請共濟艱難公與洪松澗千環張松亭以慶諸公墓
兵鳩粟以助軍勢癸卯丁內憂過哀成疾纔闋服卒
于丁未正月六日享年七十二松亭張公文以哀之
曰七十居喪先儒危之三年執禮是爲病根公旣死
安我又何哀云墓在水多面芽界山酉坐原配耽津
崔氏卽栗亭公之女柔嘉靜淑甚有婦道沒後公十

四年而月日則同墓公墓右麓吳坐原有二男一女
男長纘當昏朝作大君哀歌爲凶黨所構六載錮囚
仁祖反正後官直長次繼生員女適徐景介纘一男
二女男仁燦女適李克承張承後繼二男二女男仁
峻仁燦女適生員梁軫南承訓郎羅好義庶子仁軸
女奇國柱仁燦一男一女男東漢東渭女適張溟翮
庶子東泌東涇東靺女李敬亮閔計鄭望起仁峻無
子以東渭爲后仁燦一男東洙玄孫以下不能盡錄
其顯者七代孫昌國文科叅知八代孫達翰文科正
言嚙以公文學才猷不事進取相時恬退操守可觀

剛齋集卷之六

四十五

而鄉慕先生之風社舉俎豆之禮且其家庭所授弟
效忠貞於壬辰男著節義於昏朝觀於此尤可以知
公矣今來請文者八代孫碩翰九代孫基馨而伐石
刻豎終始致力者七代孫孝國云

剛齋先生集卷之九

剛齋先生集卷之十目錄

墓表

西歸李公墓表

平壤庶尹趙公墓表

蒼坡鄭公墓表

忠烈鄭公墓表

斗南朴公墓表

學生朴君墓表

學生金公墓表

成均進士吳公墓表

岡齋集 卷之十一
懶齋具公墓表

默齋居士辛公墓表

叅奉李公墓表

學生沈公墓表

晚翠軒孟公墓表

水鏡齋琴公墓表

贈掌樂正潘公墓表

不愠齋韓公墓表

學生金君墓表

贈承旨全公墓表

贈承旨李公墓表

華山鄭公墓表

五代祖同知府君墓表

蟠松安公墓表

岡
集
卷
之
一

二

剛齋先生集卷之十

墓表

西歸李公墓表

吾先子允菴文正公聞西歸李公之沒語人曰此人兄弟不下於三學士噫三學士大節軒天地耀日月將以聞於天下萬世而擬倫之言幽於大賢則斯可以知公矣公諱起淳字沛然李氏系幽韓山牧隱先生諱穡於公爲十一世也高祖守良中樞經歷曾祖穉始家于全州祖遵哲早卒考克誠進士妣完山崔氏其考曰峻極煙村先生德之之後湖南有三賢母

國朝集賢卷之十

崔氏其一也公生子 萬曆壬寅十一月八日早孤

力學事母至孝八歲受讀詩經至檜風西歸好音之

句慨然流涕曰周天子之國其衰弱如此耶蓋其忠

義之性自幼而已然矣光海數倫廢舉 仁廟甲子

與兄興淳弟生淳俱中司馬居泮丙寅虜使之來上

疏請斬丁卯與季氏捷大科明年伯氏亦登別科

仁廟顧左右曰是寡母之子兄弟三人力學同升者

也公立朝審諤守法持平時東宮司謁以紫衣犯科

據法治之席藁待罪 仁廟極稱其善乙亥三月大

雨雷電 穆缺二陵見芻潰陵官以聞 上命大臣

禮官奉審奉審者以非災復命 上謂齋郎岡上下
吏將寘之法朝紳知其冤而莫敢言公奮然獨抗章
明其無罪人服其敢言丙子幽爲大同丞從道臣奉
審箕子廟獨不拜道臣問其故公曰拜者固常禮而
不拜者亦有意蓋以朝周爲非焉值虜使往來不
出駟騎曰我馬豈可作虜奴乘虜至拔劔叫噪而公不
爲之動冬虜兵猝至南漢受圍時公適歸覲路梗無
以還任遂與伯氏雲巖翰林梁曼容郡守崔蘊察訪
柳楫諸公倡義勤 王傳檄道內遠近響應期日會
于礪山衆始甚疑懼及見公兄弟義氣凜烈號令整

肅皆感激鼓勇與本道監司李時昉爲前後隊進至清州公與數砲手出而偵賊虜騎數千方聚山谷公白山上揮劔大呼而直衝之虜騎褫魄斃走追斬九級衆議遂欲推公爲大將公固辭之而爲殿未及南漢三十里而聞媿成痛哭轍兵奔問闕下而還遂

棄官入完西之西歸谷躬稼養親後拜黃州判官時朝家立新法守令之不赴任者配任所準瓜期公慮貽親憂卽赴之赴任狀不書僞號道臣以違格啓罷自是以後凡有 各命皆辭不就語及丙丁輒雙涕泫瀾燕貨毛衣帽子等物不以加於身 孝廟初服

又以臺職各公上疏願終始爲大明民 上優答之

後欲一謝 恩命至京當路有忌敢言迎劾者遂亟

歸後有爲公辨誣者 上教曰李起淳二十年退處

一朝感恩上來意必有在予不覺悟未免逐去予庸

覲焉卒于周甲之四月一日葬于洞北薇山卽遺意

也配密陽朴氏僉樞東振女有婦德先卒祔公墓男

猶龍文科縣監二女適士人黃一清叅奉柳震錫側

幽五男一女縣監男抱玉通德郎通德男歲歲歲歲

男汝忠郡守孝旌閭 贈承旨爲伯父后汝孝汝節

水使歲男汝仁汝義公沒七年士論峻發建祠於西

山而殿享崔晚六養崔煙村及公至 英廟甲子因
道臣陳聞以忠節旌公之閭嗚呼丙丁之間天地翻
覆終始完節人無間然者三學士外惟清陰桐溪數
公而公兄弟屏跡田園不獲滋垢乃與之同歸噫甚
盛矣大者如斯餘不須詳也郡守嘗宰藍浦經營墓
表石已治而未及樹其男馨豐今繼而成之來謁余
識其陰余爲托名之榮不以不文辭而謹書之如此
云爾

平壤庶尹趙公墓表

嗚呼世級旣降士大夫榮利是趨未科要得科旣科

要做官鑽蹊徑媚權貴迷溺不知返者滔滔有任運
自守剛確不撓晚從蔭塗歷官數郡而止者故庶尹
趙公諱鎮明字公華是已公幼聰穎絕倫受課不煩
教督作句已能驚人仲父忠定公亟加稱賞及長性
氣正直儀度端凝弱冠華聞已著時權倖有欲引公
以自助通慝慙授關節爲進取地者公告于考孝貞
公曰窮通有命豈可夤緣以發身卽日毀儒巾廢舉
業遂大爲所忤而至見沮於初仕公乃杜門息交絕
念榮途其屈首吏役蓋爲祿養而實非所樂也箕城
日族黨之親昵勢家者勸以賄進公正色曰我以末

陰受國厚恩自齋郎至除邑皆以低擬受點况今所
叨固已逾分更何僥求長男得永登第公有憂懼之
色而勉以守祖訓報君恩及內遷遭賊汙劾及議
讞上白其誣教以爲辜負國恩而用加倍之典竟
竄海島時相有送言於長胤而欲乘時市恩者公聞
之貽書使牢却之後五年蒙宥還行孝貞公回登
禮人謂之孝感所致也噫以公人地早得一第何官
不做而公恥循末俗終見坎壈而無怨悔焉則操執
之堅可謂卓絕而其曰榮利一時名義萬世云者足
令馳騫躁競者知所愧也公次子郡守徹承以有先

諫遣其男秉岳謁余爲墓表曰世系子孫生卒屢歷
禍旣詳焉只書行略可矣余以不文辭不獲撮其大
於家狀如此

蒼坡鄭公墓表

嗚呼父子立懂世之稱是父是子者中朝則卞成陽
兩世我東則高霽峯一家千百載僅一二人而今可
以匹美而齊休者故蒼坡鄭公父子是已公諱魯字
公勉清州人文穆公塞岡先生速之七世孫也高祖
昌載通德郎曾祖復欽祖達濟當乙亥羣凶跳踉時
慨然曰亂逆之作有自來根柢於己已有辛壬變接

迹於戊申有今日孽一變賢邪分再變忠逆判士君子持論不可苟也遂往拜吾先祖尤翁院曰天地間所可畏者義理也公家義理固有本矣考東變妣順天朴氏夙徵之女繼妣義城金氏汝和之女以辛未四月二十一日生少豪邁不羈嘗隨長者學山房數月便成老成人孝友幽倫八歲丁內艱哀毀如禮及遭外艱守制愈嚴恆不脫衰絰善事繼母愛敬備至人不識其爲異顏志氣高尚言議磊落未嘗有回互苟且意嘗遊蠡石江拜義妓論介碑人或譏之公曰吾拜其義也尚論古人以馬伏波馬革裹尸爲奇男

子書揭朱夫子正大英雄戰兢做來語以資觀省及
讀吾先祖辭貂裘劄所藉非薪所抱非冰等語掩卷
擊節治舉子業不成五十乃止曰羞與小兒輩爭得
失杜門却掃或觀古史或玩法帖處窮約不以外物
經心辛未九月就養于長子忠烈公嘉山任所將行
分付諸弟及宗婦以奉祭供老之節郡中大饑指教
忠烈捐俸賑民時逆賊洪景來李希濟等醞釀已久
臘月望間已有將亂漸民方繹騷公從容語忠烈曰
設或有變死王事汝之職耳十八日夕賊果大至忠
烈曰變已至此子之所處已聞命矣大人與耄弟無

官職盡去諸公厲聲曰到此奚論官職有無吾教汝
死吾忍獨活乎俄而賊攔入曳曲忠烈脅降公呼曰
汝勿以我故苟活忠烈竟不屈死賊又犯公公罵不
絕口蓋抱覆不得救蓋亦被八創死而僅甦事聞

上震悼大加褒賞贈公執義贈忠烈騎判並棹楔之
翌年正月八日蓋奉柩到安州始改斂面貌若生三
月二十四日返葬于星州東茂溪成坐之原與忠烈
同岡而時日亦同矣是年六月用大臣言加 贈吏

曹叅判隱卒之典無復餘憾矣配貞夫人咸陽朴氏
通德郎息禹女有四男長卽忠烈公著次耆次蓋承

傳拜叅奉不就次著著一女適安光達嗣子胄錫今
奉事余嘗辱從公仲季遊雅聞公內行之篤矣逮壬
申聞公父子殉節竦然起敬恨不識其作何狀今讀
其兩世遺事不覺髮豎而膽裂卓乎烈哉天地間正
氣萃公一門若公者真是寒岡公肖孫而忠烈公賢
父矣但恨老筆無力無以揄揚其大節然古人云無
愧有道碑吾於是亦云爾

忠烈鄭公墓表

國家昇平日久上下恬嬉一朝小醜猝發於潢池守
土晉奉頭鼠竄民勢土崩瓦解于時忠烈鄭公首當

賊衝毅然辦一死以挫其鋒青北列邑守宰始有嬰
城死守志賊亦破膽卒窮蹙以就戮靡公一死國家
之憂將不知所止嗚呼天生鄭公爲社稷也公諱著
字德圓蒼坡公之長子也以戊子五月十一日生子
善山外第號伯友蓋兄弟友愛意也在幼少時已有
長者度與羣兒戲未嘗校及壯頎然長犂然黑有脊
力蒼坡公曰太上立德其次立功此子有氣局短文
藝以武立功亦丈夫事也遂使從武藝性簡默同射
少年作戲於前輒屏坐若偶人 正宗丙辰入武南
薦己未登內侍射及第甲子除武兼宣傳官丁卯陞

訓鍊院主簿庚午除本院判官尋遷都摠府經歷在
京師每念兩親甘旨有闕所得薄俸靡安於獨享每
願得一麾以養親妻金夫人嘗語公曰吾聞旅宦者
例有別室吾夙宵勤苦以奉君子他日富貴當與別
人共之女子事誠可憐答曰吾不負子矣十年旅洛
未嘗卜姓足不到權貴門當路宰相無知名者故得
一官若將終身焉辛未春歸覲叔父試語公曰汝旣
委身於國倘有不虞將何以哉對曰無他技能惟當
死報耳是年秋出守嘉山奉蒼坡公赴任臨行有邑
予饋絹者却之是歲卽蒼坡公周甲也製進新衣服

仍進盛饌顧謂弟耆曰此物豈私家所辦莫非君
恩安得不盡忠國事圖報萬一乎又曰不得迎奉母
氏余何忍獨享命官廚減品以木版預條列明日當
行之政審視而謹行之每日如此夜必觀居官雜儀
郡有加耕屯田剩穀屬於官減半與民民有叔姪以
二包還穀相訟者愀然却食自官代給而諭遣之以
西俗賀賀將次第興文教矣先是西陲亂漸已久騷
屑大起蒼坡公勗以死職十二月十八日駭機益急
吏校及羅卒持鑼角兵器逃惟貢生官奴一二在名
座首與由吏則皆已幽矣招別監尹時漸詰問則今

夜半賊入官府云蓋賊魁洪景來李希濟等期以是
夜舉兵先陷本郡官屬皆內應迎賊於五里程矣少
頃由吏金應錫來脅以賊勢甚盛請納符印上降書
公厲聲大叱曰吾寧死於賊汝何敢出此言與弟耆
步巡坊里泣諭民人使無驚懼還坐政閣將報急於
巡兵營泣請蒼坡公出避堅不許公遂顧謂內舅朴
寅陽曰吾當死賊願舅氏收我屍也俄而鼓角動天
賊吶喊大至呼郡守下堂公牢坐不動大聲呵叱賊
十餘輩手劒上階大喝曰上降書進符印公父子同
聲大罵賊突入曳出使屈膝公曰膝可斷不可屈賊

以劔擊膝隻腳立終不跪又擊隻腳喝納符印公已藏印於壁間符則在手賊劔擊握符手落地以右手收兵符又擊右臂而奪之因遭喪元慘凶鋒又及於蒼坡公蓋亦被創死而僅甦翌年正月八日奉柩到安州始改斂面如生箕伯及壽司以實聞 上震悼

嘉尚先贈兵參加贈判書父子並棹楔棺斂喪葬皆自官備因侍從朴升鉉啓不待狀諡忠烈遣官致祭旌觀之歸四道道臣各邑守宰奔走護喪其過京也自卿宰士林至輿僮下賤傾城迎哭如悲親戚三月二十四日返葬于星州東茂溪戌坐原父子同岡而

同時日也會葬者八百餘人嗚呼使公在平世居下僚恂恂然一尋常武弁耳孰知夫軒天地貫日月之精忠大節深根於方寸之間不鑠於恬嬉之餘而畢竟樹立如是其磊磊卓卓乎 聖朝袞袞以不識何狀比於顏真卿從容就死比於宋東萊又以父子兄弟一門遭禍比之卞氏兩世大哉 王言無以改評矣且其馳旌褒尚備極無憾以爲百世人臣勸吁其盛矣公配一善金氏通德郎養和女無子爲後者再從姪胄錫也以承 傳今奉事先系已具於蒼坡公

墓二云爾

斗南朴公墓表

斗南朴公世經束脩於吾先子九菴文正公之門而
受心經後文正公寄書曰年前所講心經今已精熟
否若於此書得力則爲聖爲賢何所不可嗚呼此非
可以知公者耶公字濟而密陽人上祖曰密城府院
君彥孚其後簪組蟬聯至諱文星以學行筮仕仍登
文科官縣監於公爲五世祖也高祖叅奉諱鯉有孝
友行曾祖諱元純祖諱廷珉考諱載皆不仕妣扶安
金氏鼎振女公生于天啓丙寅氣質重厚精神朗
徹七歲讀千字文問孝字之義稍長已知事親之禮

昏定晨省色溫氣和非赴舉及從師未嘗遠遊菽水
之供躬執其勞前後喪哀毀幾至滅性葬祭罔或違
禮與兄世維友愛篤至弟世緯早歿撫養其孤如己
子焉公文藝早成年十二三詩辭驚人二十六高捷
鄉解及見屈於省試人莫不嗟惜公則夷然乃曰尋
章摘句雖幸凌科只是一時悅親而非所以貽命名
也不復屑意而專務爲己遂就師門尊聞行知勤苦
不懈屢爲師門所稱賞有曰數百里徒步往來樂善
好義鮮與倫比而潛思力行殊是可愛又嘗書安貧
守志等字以勉之得此於大賢之門已是人之所難

及而論敬字工夫及心性情吟諸作又足以想得
其功程造詣之大略矣嗚呼以若淳姿篤學宏爲世
用而竟沈淪以沒豈不可惜也哉公卒于周甲之四
月初九日葬于所居古阜郡之所井面佛堂洞負亥
原從先兆也文正公輓之曰洛建之書世等閒嗟君
來讀水雲間如今廿歲成陳跡一望南天涕自潛配
昌原金氏其考曰承傑婦德俱備先公沒而雙墳後
配羅州林氏亦有賢範而無育別葬于數里之蓼洞
子坐原一男楚耆女適士人趙相雲李必禎姜瑞著
金秦行孫男曰徽而胤徇側幽也徽六男曰敬中敬

和敬貞敬一敬恆敬秦玄孫以下不盡錄今樹公墓
表而遣其男仁休屬余識其陰者五代孫溶仁休后
於其兄澹者也余以契誼之重遂不敢辭而既非不
朽人者荒拙之辭又無以闡揚幽潛可愧也已

學生朴君墓表

光陽海曲僻鄉俗尚賀賀農圃魚鹽之外其業儒而
稍秀者僅功令生長於是而知有爲己向上事篤志
以求之如朴君禎一字允謙者豈不卓然乎哉往往
癸未春君委來訪余留過三夏而讀庸學其稟賦之
淳講誦之勤持守之堅有人不可及者而善惡是非

之間聽其言議其所從違殆乎一刀兩段余甚愛而敬之其後間數歲而一來或一歲而再來觀其志愈久而愈篤每逢章甫之自湖南者而語及君雖未及識面者皆有慕悅之意苟非實有諸已何以如此余以是益信之將以歲寒相期不幸年六十而沒于甲午六月某日嗚呼今不可復見矣嗟何處得來其長男瀚先君天其諸孤演浸涵以其年九月某日葬于飛鳳之南先兆下戌坐之原屬其從兄凜以遺事謁余為表余實無文且病顧何忍辭按君自幼好讀書不逐同隊嬉戲性孝友母病斲指進血居喪致哀葬

祭如禮事兄如事父蚤暮必往省得異味必先進居
家內外斬斬非有事不入內每日晨起盥洗謁廟而
退淨掃書室以及階庭終日危坐對案看書夜雖無
燭亦必整襟誦書夜分乃寢書揭十悔詩及座右銘
爲警省之資平生喜讀中庸嘗有詩曰性外莫尋道
因以率性扁齋而以慎獨爲要凡世間名利聲色一
切不入於心其訓子姪教後進輒以孝弟爲先君素
愛酒一日偶有醉倒之失遂終身不復飲鄉俗待葬
時會客設酒肉君以爲非宐而獨不從俗遐鄉素不
識冠禮君以爲所以責成人者惟在冠禮所不可忽

求儀節而行之於家此可以見君遷改之勇而鄉里
亦有從而效之者邑有崔新齋山斗朴訥齋世煦二
公俎豆之所燬于丁酉倭亂而復設者闕訥齋位廟
貌亦甚疎略君爲之慨惜不已因其重修與同志倡
議呈稟于營邑而追賸訥齋如舊儀廟貌增新而儒
林改觀君之致誠於尊賢尚德而風勵一鄉又如此
嗚呼君之可書者余於君相識既晚且今病思昏塞
不能什一而其所書者則寧質無溢期以無負於幽
明也朴氏籍尚州沙伐君彥昌爲鼻祖至我朝有
諱安禮官吏曹判書貞肅公安信之兄也七世而有

諱曾孫學于族祖道源齋諱世熹見己卯禍挈眷南下家于順天又八世而至 贈左尹昌益移于光陽是生同知光秀光秀生僉知思彥卽君之三世也外祖昌寧成達彥配晉州姜利煥之女四男一女女適徐弘烈瀚之子天根幼而夙成可以世其家云

學生金公墓表

余嘗述眞靜齋金公諱德運狀德之文而欽服其清修篤行之懿矣今其曾孫在誠又以其王考阡表來托言念世諡有不可終辭公諱履相字道緩慶州之金岫自羅王 國朝有諱桐官贊成諡齊肅六傳至

叅議偉以清名直道著寔公之六代祖也高祖慶餘
副提學諡文貞與尤春兩先生爲道義交丙丁以後
有嵩處大節世稱松崖先生曾祖震粹縣監 贈吏
議祖重錫兩世俱受業於兩先生之門公以通德郎
炳運之胤爲眞靜齋之所予通德於眞靜爲從父兄
弟矣妣淑夫人朴氏通德郎尚文女生妣朴氏府使
守義女公以 英宗甲辰四月三十日生生而穎秀
神清而色粹形端而貌莊三歲育于所後家致其愛
敬有加於所生人以謂天定之倫非人所及也六歲
出遊見五代祖妣宋夫人旋門歸問于所後妣朴夫

人朴夫人爲道宋夫人斲指孝親事公對曰苟利於
父母何愛手一指哉夫人撫背而稱賞幼多病不甚
教督而十餘歲已盡通孝經四子手寫孝經大小學
擊蒙要訣爲學之方諸書常目不離遇聖賢格言書
揭于壁奮然自勵曰不如此無以爲人進退飲食之
節一遵長者之命平居侍奉極其愉婉尤善於先意
順志兩家父母俱鍾愛焉生考通德府君素抱貞疾
心火頻發侍者莫有適其意者獨於公甚安之也公
左右調護夙夜不懈十數年如一日侍生妣篤疾至
於祈天嘗糞所後家家事劬落而致力於稼穡以資

菽水尤致謹於歲月之制竟無遺憾焉所後考妣俱
享大耋朴夫人臨終顧語諸孫曰爾父孝子也爾輩
皆能如爾父孝敬則爾家其庶幾乎前後居憂哀毀
逾禮雖老而猶篤焉嘗爲貧交之奉親者備給壽板
或送美味以助甘旨人服其推孝之義少工博士業
不遇中嬰奇疾遂絕意進取人或勸其祿仕公曰有
命也永感以後亦不以調度爲慮於一切世味泊如
也以所生妣壽未回甲平生未嘗造人家壽席值其
回甲不許家人之飾慶因嗚咽泣下此可謂終身而
慕者矣以乙巳二月二十六日卒壽六十二病革時

處寘家事甚悉而無怛化之意且屬續屏婦女正席
就枕而逝亦可見平日之素養矣葬于燕岐縣東

甲坐之原配恩津宋氏監役後相女尤菴五世
孫也甚有婦德生于壬寅卒于乙未祔葬公墓之右
有二男長敬烈縣監次成烈進士正烈及朴謹載妻
庶幽也孫在誠在亨承旨李趾秀進士李克聲妻長
房幽在文在仁在慎次房幽正烈一子一女朴婿二
子二女嗚呼公生長詩禮之門稟得孝順之性奉養
兩家四親愛敬兼至餘事問學才堪需世而竟沈淪
以沒人皆惜之然公既篤於內行矣又何有於外慕

哉余獲拜於公之暮境儀容端潔舉止閒雅知其爲
厚德長老矣顧今衰病已見公二世矣俯仰愴涕遂
謹書之如此云

成均進士吳公墓表

公諱宗漢字翼仲寶城吳氏爲文義之巨族而公以
淳謹重厚見稱於朝評焉公生于 英宗己未歿于

今 上庚午享年七十二公幼穎悟九歲讀小學論
語等書未成童文理已進能按索深奧見者莫不稱
賞及長事親盡禮推以及於宗族鄉黨各得其道親
瘠必躬執藥物至於粥飲之煎亦不委之他人嘗糞

禱天夙夜靡懈丁憂攀號擗踊哀動傍人至有爲之
泣下者曰古之善居喪者不過如此時則公年十七
也妣鄭氏素患痰喘老而彌劇四求醫藥百般治療
閱八九年如一日醫云用鷄當效適值嚴冬積雪末
由求得忽有二鷄飛入堂宇捕捉烹進果得良已見
聞所及咸曰孝感所致又曰克趾先美蓋公五代祖
尚健高祖振澤皆以至行著聞故云公與人論事不
露圭角聞人過失輒自泯默其渾厚如是故人無有
怨惡者而於子姪督過甚嚴難其向衰者亦或施以
笞罰平居淨掃室堂不廢冠帶性又儉約 正廟戊

午捷司馬榮歸之日只一驢一僕而亦不盛設聞喜
宴告慶先墓涕淚交頤苟非孝思根天年邁不衰者
何以如是以先墓石儀之剝落殫誠經紀修改十餘
世表碣此又人之所難能者也公以義德窩三字扁
其所居雖曰取於邑里之號而顧非淺寓尊德樂義
之意者耶且書臥送開中日月簞過世間是非而揭
諸壁上也其平生實蹟也是以甚見愛與於當時諸
賢若樸泉宋文元公性潭宋文敬公亟有稱道語過
齋金先生又以同庚情好甚篤而宋文敬公以院長
嘗行鄉飲禮於魯峯公實爲主人云副尉諱叔全始

居文義於公爲十三世曾祖諱再道縣監祖諱纘基
通德郎考諱日曾娶杞溪俞命章女無子公以其伯
兄達曾第二子後易所生妣晉州鄭氏忠莊公奉之
後熙文女也公配恩津宋氏雙清堂諱愉之後學生
顥錫之女生先公三年沒後公四年祔公墓卽縣西
開營峙洞面乾之原也三男長亨喆武通政府使次
亨珏次亨弼武科士人趙煥慶朴在謹主簿魚在璿
三女婿也孫男宣傳官允錫俊錫女五衛將申光燦
長房出義錫仲房出海錫女金秀龍庶文錫季房出
顯畫及宣傳官宋文珏士人李東孚趙婿子婿天欽

武科眷欽人欽昊欽會欽魚在權李基溥朴婿子婿
允錫子淵守女金在肅宋義直庶子淵三女柳煥大
俊錫子淵極淵珠義錫子淵大女宋煥冕朴 府

使將樹表于公墓謁余識其陰余實無文以有契諾
之重不敢終辭而拙陋之辭不能盡其揀揚可愧也
已

懶齋具公墓表

有仁而得其壽德而無其位者懶齋具公是已公諱
始元字大哉系幽世德已詳於吾先子所撰屏菴公
兄弟墓表考諱爾天 贈吏察號一峯性潭宋文敬

公實銘其墓妣 贈貞夫人南陽洪氏縣監禹氏女
公以 顯廟庚戌九月二十二日生生而有異質肌
膚瑩潔容儀端粹及就學不煩教督文理驟進雖以
親命業公車而已知有用心處既永感遂廢舉淨掃
一室左右圖書日必晨興盥櫛拜家廟退端坐讀書
尤喜性理說反復研究早夜不懈又致力於文公家
禮及尤翁經禮問答等書疑文變節考訂叅酌務得
其當以懶扁齋以寓警省嘗曰學者雖有美質苟不
立志則沒無有成之理與季氏野齋公始大兄弟而
兼師友切磋講討大耄猶然有來請業者輒退讓不

以間道自居而其憤排者亦多啓發焉嗚呼槩公平
生事親盡愛敬奉先必誠慤處兄弟極怡愉周恤親
戚不計有無接待鄉黨一以誠信未嘗有計較之心
苟且之行儘是篤行君子人蓋其天賦之美有過人
者而學問之力亦不可誣矣惜乎其世無知者隱淪
而不試也以優老 恩躋同樞榮及三世以壬申二
月二十三日考終壽八十三葬于元巖洞庚坐原配
貞夫人慶州金氏君弼女溫柔慈惠甚有婦道墓陵
岸長坐原與公墓一岡而南北矣三男二女男長廷
虎次廷賓廷詰女長適同樞金復慶无育次適 贈

持平李憲朱孫觀行廷虎曲益行復行廷賓曲原行
正言晉行謹行秦行乾行韓範周妻廷喆曲晉行曲
后李維謙及都正金恆柱士人宋成主妻李婿曲觀
行系子顯默益行男尚默顯默獻納宐默女沈能集
李在周顯默曲后復行男致默女朴尚重宋煥需原
行男宅默中默女金益楨金濟憲中默曲后晉行系
子中默女張景杖謹行男以默女金亮默秦行系子
容默乾行男容默必默女羅漢五容默曲后玄孫璿
璉成潤黃基一權駿祐妻顯默曲瑛尚默曲璟任泰
道黃震基黃鍾溥妻宐默出琛琳瓊璣成錫文妻致

默出餘不能盡錄嗚呼柳子厚表其先墓列書執友
皆海內知名士也今觀公之所從遊巍巖李公東泉
西尹公焜契以道義獎以詩文貞菴閔公遇洙踵門
起敬稱以林下高士睡村李公畚登亭講誼許以隱
德君子至若雲谷宋公康錫則以爲每見具某不覺
清風灑然嗚呼此非所謂見木可以知山者耶宋文
敬公以嘗拜公而知其爲厚德長者欲爲墓銘而未
果公之曾孫致默以家狀示余曰成潭翁之志者非
子而誰余以不文辭不獲病喜因循而致默遽作泉
下人矣今因其從孫文鎬來督愴涕而略書之如此

默齋居士辛公墓表

有人服其孝友淳謹天報以遐壽多男而既沒三十餘年鄉隣稱道不衰惜其實行未蒙褒典者曰默齋居士辛公薰字士馨也公靈山人高麗太傅門下侍郎半章事諱鏡爲鼻祖自是主組蟬聯至政堂文學諱葳受業於安文成公裕之門號德齋上書斥佛以衛正道判書諱中善入我朝稱名卿歷數世靈戚君諱景行以承旨誅逆賊李夢鶴策勳受封光海數倫托旨簪退歸鄉里 贈禮判諡忠翼寔公五世祖也清安士林立祠以享德齋忠翼二公焉高祖劬禮

賓寺主簿

贈戶曹參議曾祖倜同知中樞府事祖

迥副司果考振翼進士有美質醇行見稱於蔡鳳巖
之洪妣丹陽禹氏通德郎時夏女無育安東金氏士
人謙厚女有女士行公生于 肅宗庚辰沒于 正

宗甲辰享年八十五幼而性度超凡長而持身謹飭
羣行之卓有人不可及者自五六歲時已知父母之
不可欺學不煩師日有課程其事父母也生而備志
色之養歿而致哀敬之實處家庭而無人言之間拜
邱墓而有虎護之異與弟葆友愛篤摯寢同衾食同
案和氣融洩族人癘死而無主挺身辦殮過客隆寒

而未續脫衣以給當國忌聞人訃皆食素不喜論
人長短發人過惡蓋其齋扁寓意者深而亦常以戒
飭於後人也配青松沈氏別提榭之女先公一年而
生後公兩月而沒祔于公墓忠翼公兆下癸坐原也
舉七男二女男長秦增僉樞次尚增命增厚增仁增
緩增聖增俱以孝友見稱女張兌基柳昌彥秦增男
守默守恭守良女宋琦和鄭復陽鄭遂河尚增男守
義早卒女李曾彥延聖會柳世夏命增男守敬女李
達中李挺恆厚增男守愚守基守憲女鄭繼曾吳鼎
常鄭鎮秦仁增男守儉守寬守寬爲尚增所子緩增

男守德守溫守詰女金宅健金應翼聖增男守眞守
信守簡守極女朴東赫鄭學誠內外曾玄不能悉錄
噫天質既美自守又篤可謂六行咸備而未獲薦用
於生時將見泯沒於死後則爲善者將何以勸然而
年躋大耋子姓振振重牢之慶又是世之所罕見而
公能有之福善之天誠有不可誣者人莫不艷稱思
欲如之而不可得矣公又何歎焉公曾孫宐哲謁余
爲墓表余以不文辭不獲遂略撮其狀以歸之

參奉李公墓表

公諱惟善字慶元官參奉韓山李氏爲我東名族稼

亭牧隱麟齋三世文章節義赫赫垂耀麟齋先生第
五男叔福入我朝爲校理公其五代孫也曾祖諱
專副尉祖諱仁敷郡守考諱稠叅奉郡守公始奠居
于海州妣全州李氏叅奉堤之女公生于嘉靖丁
未八月初二日歿于萬曆己未四月十八日享年
七十三壬辰公舉家避寇於安峽其一弟仍居焉兵
燹之餘文獻無徵公之筮仕年月就職與否亦無得
以考焉况行蹟之詳耶惟其天性孝友居鄉幽言持
身以絜先爲戒而爲鄉隣之所愛慕鄉人之傳說至
今者然矣嗚呼苟非實有諸已何以久誦於人斯足

以爲銘不必多記而後可也配全州李氏參奉孝說
女生二男一女男長墉有至行次墀直長女適李興
宗直長一男榮穢后於其兄一女適柳時茂榮穢二
男墉垓玄孫以下不盡錄公墓在州西內芝洞祖巖
負亥原李氏先公沒而葬于其左垓曾孫奎祖營立
表石未就而沒其子和乘亟思繼述乘身衰至以遺
意泣請余識其陰余實無文顧不忍終辭遂書此俾
歸刻焉

學生沈公墓表

公諱東喆字乃炯沈氏系出豐山高麗太子詹事滿

升爲鼻祖入我朝有諱龜齡佐太宗封豐山君

諡靖襄三世而至察訪諱彥通己卯以沈貞近族憤疾其起士禍避居于南原公之七世祖也曾祖忠義衛潤源祖通政大夫世規考處士壽成力田養親鄉黨稱其孝初娶南原梁晉珪女再娶完山崔達緒女皆無育公以其弟通德郎壽匡長男後焉所生妣海州吳希聖女也公生于肅宗癸巳沒于英宗丙子得年四十四公姿性謹厚而趾美家庭其事親也養之必有酒肉饗之啜粥三年祭之齊潔以致如在之誠而具需烹飪不委諸婢僕其接人也主於溫恭

而救患恤窮盡心極力故鄉隣感服久而不衰有見其遺孤誦傳行蹟而爲之下淚者此非可以知公者歟配與城張潤女二男徵賢緯賢二女適柳董李恆性孫男櫛櫛女崔守澤金就鑑長房出櫛杖樛次房出而柳婿子曰完鎮李婿系子曰義勳曾孫曰煥天煥豐洪載坤盧學舜櫛二男二女曰煥斗煥奎煥震煥秦櫛四男曰煥一櫛一男樛之男而後於杖者曰煥宗也公之墓在任實下北陂田里坤坐原張氏別葬上東錨峙台峯壬坐原相距十里強矣公墓樹表謁余識其陰撮其家狀如此云

晚翠軒孟公墓表

有篤孝博學夙爲士友所敬服期望而晚暮通籍位
未及顯施未克究者晚翠軒孟公諱欽圭字幼玉是
已其先新昌人東浦希道麗季著節義文貞公思誠
佐我世宗爲賢相八傳至霞谷世衡文科府使
贈吏叅當丙丁後疏陳尊周義又二傳至柏坪萬始
官郡守公高祖也曾祖淑夏衛率祖揆大通德郎考
躋遠妣咸陽朴氏生員淳明女有二子公其季也生
於英宗乙卯閏四月十六日方降之夕空中恍惚
有神告因以小字乙酉司馬當寧乙丑增廣及第

附錄
卷之十

二二二

放榜前 特命陞大付司果異數也歷成均館典籍

禮曹佐郎司諫院正言獻納司憲府掌令執義吏曹

正郎己巳出爲開城府經歷年限後祿仕也辛未八

月八日卒于官享年七十七月九日返葬于本郡

法谷乙向原癸酉將改窆啓審得吉新其壙而仍舊

向公氣稟陽剛英華發越服義如不及疾惡若將浼

自幼愛父母異凡兒父母昆弟稱之以孝子母喪常

晨夕哭墓不避虎豹後喪廬墓三年有夢怙錄夢恃

錄季年手自毀之曰恐子孫張皇之耳母病思生梨

不得終身不食梨伯氏病痢猝劇公在洛心動急還

得與面訣公初治史學晚更燻溫性理羣書嘗草李
巍巖請諡疏於一原本善處明白洞悉非有實見得
者能如是乎嘗曰士之讀書職也如雞之鳴犬之吠
雞犬而不鳴吠且人惡之况士而不讀乎於禮緣情
爲文而尤謹於別嫌明微於文下筆成章而尤長於
賦策駢儷詩律勁健慮世憂國之意輒形焉在臺閣
漂船粹入內洋則雖浴闔之素善者亦劾府隸橫遭
毆囚則雖戚畹之自好者亦彈經筵進講聖學輯
要則推原李文成劄意陳章懇勉承體念服膺之
批纔莅西京卽捐廩以周宗族聞者以爲近世所未

有也公臨沒語其子曰經傳及朱子書自來入思且以狀先德劄祭田眷眷焉而不及其他此又可驗其素養矣公凡四娶全州李氏國觀女密陽朴氏誠源女俱無育平山申氏晒女一女適李九成皆別葬驪州李氏生員翊女文順公奎報後孝慈溫淑男鳳淳生員女適李顯承生於癸酉十二月六日沒於乙丑六月二十五日以宗子所出遵公遺命合禱生員男鶴述李顯承二男二女幼有遺集孟氏世居溫陽以經禮行誼聞公趾其美以至誠浚愛之性有事親終身之慕以聰明警絕之才有貫淹精博之工而既未

展布又闕褒旌豈不慨惜而生員君父子聲望方蔚
不食之報其將在斯也歟余以不文猥受墓文之托
以有世好不敢終辭第錄如右

水鏡齋琴公墓表

我先祖尤菴文正公門有早知爲己篤志不懈而短
於壽命未獲究竟者曰水鏡齋琴公諱鳳儀字舜瑞
也公奉化人高麗英烈公儀爲鼻祖世襲冠冕高祖
輯叅奉曾祖舜譜主簿祖愉考道鳴妣延日鄭氏涑
之女也公生于 顯廟戊申二月六日幼岐嶷步趨
有法未齠已知事親之道王考嚴督子弟課先公將

受榷楚公進伏請寬恕容止若成人王考莞爾而曰
汝父免罪汝之孝也時公甫四歲矣六歲母夫人用
公所佩小刀切肉誤傷指公卽割韜棄之性聰悟受
曾史纔訖一編文理已進不煩教授未成童請于先
公曰男兒生世豈專務科業誠能從事聖學則可以
爲人願從尤菴先生學焉先公甚奇之而以血氣未
壯不許十七歲甲子始摳衣登門先生見其有志淺
加愛重一日從容問入道之要曰先讀小學又請行
己之要曰莫如敬請其目曰有易知者二無雜言無
雜行無雜思公佩服周旋受小學家禮心經近思等

書先生語羣子弟曰爾等與琴某遊必有益矣公嘗
侍坐先生曰大抵爲學不可畏人非笑又引朱子不
滿於門人之言諄諄教告公夏坐曰某雖不敏請事
斯語退而錄其辭而題于其上曰若負此訓褻天忘
生先生大書明誠兩進敬義偕立等語以勗焉又書
水鏡齋三字以賜之可見其托意之重也已巳禍公
聞先生渡海蒼黃南行到井邑則先生已受 後命
矣公號痛如不欲生及護歸懷川有故不能往叅朝
望則設位於書室淨處哭盡哀嘗爲校先生文集往
會先生嫡曾孫不諛堂一源於湖南時龔溪李公秀

彥爲監司禮敬甚至以遂菴權文純公得先生衣鉢
之傳往從講質文純公贈公詩有世未嗟吾道何人
會此心之句又與晦谷申公愈定爲道義交備論太
極動靜之妙形而上下之說 肅廟丁丑公年纔三
十而偶得寒疾卒于十一月二十二日士友聞訃莫
不驚嗟曰斯文不幸也公天姿近道立志敦篤早師
大賢專意向上素善病不能舉聲讀書而經傳外洛
閩羣書無不潛心玩釋嘗曰大學所謂毋自欺是吾
三字符也嗚呼天若假年其進何可量而惜乎氣數
之局也不諼宋公晦谷申公皆爲文以誅而極其悼

惜若安養成公晚徵嘗曰程子言不雜人三張邵司
馬而今日儕輩中琴舜瑞不雜人也公之見重於名
勝者如此遺稿一杏藏于家其祭告先生之文有可
以想得其所存之槩者矣諭時人讀書說諸作又豈
非後人之足以觀法者耶葬沃川郡北環山下西坐
原配平山申氏炯之女百源先生碩蕃之孫甚有婦
德祔左異塋有三男以咸以英以夏季有才而天孫
男聲玉聲球聲薰女李萬和梁鍾鉉長房幽而聲球
出后爲繼高祖之宗性潭宋文敬公嘗書望水齋三
字以勉其家聲聲五聲和女陳滄慎之潤李時開仲

房出曾玄以下不盡錄公諸後孫將豎墓表舜孝哲
孝錫箕來屬余識其陰曰此性潭先生之所未遑也
余不敢以不文辭謹撮其家狀如此云

贈掌樂正潘公墓表

雪城之海山光州潘氏之族葬也其向未之原舉如
之封 贈掌樂正孤山公諱潤時字聖之之藏也其
左右祔而合封者前後配驪興閔氏載寧康氏也

天啓之丙寅

崇禎之再乙酉公之生卒也我

中

廟朝判書壯節公諱碩梓世稱松崖先生者公之高
祖也判書公之孫進士號菊塲諱仁後公之王考也

副護軍講廷翼淑夫人全義李氏公之考妣也 贈
叅議富榮判官孟榮公之子若庶子也文煥文彬大
集大升富榮出而大楫大源大機孟榮出也前後親
瘠三度血指公之孝也吐屬倚馬才情俱美公之文
也大小發解三十六而終不得題名紅白紙公之命
也晚謝公車依歸於大賢之門公之實也文章純孝
經學希世遂菴權先生之所稱詡也經明行惇一鄉
稱善雪城輿地誌之所載錄也持示朴司成升鉉所
述行錄請爲墓表者公之五代孫振洙也辭不獲已
而強病撮略俾書于石者徵士恩津宋釋圭也時

崇禎四壬辰孟夏上澣也

不愠齋韓公墓表

清州韓君用浩以具五代祖不愠齋行狀謁墓文於
余曰維清州治南三里華清峯下壬坐之原我韓氏
世葬也不愠公之祖月浦公父雪蓑公暨公三世一
岡上下若連珠焉月浦雪蓑二公墓既有尤菴同春
兩先生表文今繼兩先生而表于不愠公墓者非子
而誰且不愠公出入於尤翁門下而尤翁嘗跋其所
著家訓契證之重如此願有以圖之余辭以老病無
文月輒一枉三返而愈勤余不忍終辭按狀公生六

月而孤及長以不識父面爲至痛恆以罪人自處母
夫人早孀嬰疾尤苦風痺當寒必劇公夙宵不離側
手藝寢房躬煎湯藥積以歲月無少懈公年十五六
嘗惕然自奮曰余旣失庭訓若不自力爲學何以成
人乎遂挾冊就鄰塾文理稍通專務自得貫熟經史
及百家然長時侍湯不遑舉業一得解額而無成則
亦復不屑就焉丙子亂將母竄匿於巖穴積雪中背
負之而使其妻翼覆以致溫卒獲保全人莫不嘖嘖
家甚貧而奉養之具無不備飲食衣服看檢必親厚
薄酸醎咸得其宜每當歲初必辦一歲所用肉價先

給邑中屠家次第取用屠漢赤心服母夫人病腫獻
其所有牛黃得效而不受其價曰天感至誠非牛黃
之力也及遭艱喪祭極其哀敬處心寬仁專主於惠
人利物常戒遊惰者曰天昇以四體十指欲人勤勞
自養也對鄉鄰子弟必諄諄各勉其所當爲者尤篤
於奉先置祭田備享儀裒集古今人敦親睦族之事
以訓子孫卽吾先子所跋者也常以不及侍嚴親爲
恨懇于宗姓益亨願埋于禰墓側卒如其言生于
萬曆乙卯正月十五日年八十五而卒于 崇禎後
己卯六月二十一日霽月堂宋公挽之曰詩書勤育

得名行飭無疵惟應逸士傳芳蹟伯鸞追蓋記實也
配全州李氏進士葢之女有四男一女男長宇極早
夭次益徽武郡守次益著生員次益壽生員士林推
爲莘巷院長女適趙學周宇極一女適金翊宣益徽
二男公憲禹憲五女適金夢奎李世楫生員趙箕疇
李元之李雲協益著一男宐憲二女適成誕府使尹
擣尹叅英益壽二男一憲箕憲生員二女郭守炯崔
燒曰姬憲側出也公諱士英字君彥不愠其號也今
上癸亥公三世因臺疏並蒙 褒典月浦公以忠節
贈執義雪叢公之 贈修撰公之 贈教官皆以孝

墓表

三十二

岡齋集卷之十
三十二
行猗歟休哉先系世德已具於月浦公墓銘此不復
著云

學生人金君墓表

君諱孟壽字守元扶寧之金系出新羅鼻祖曰景修
其子春高麗受封爲扶寧府院君四傳至諱坵歷事
四朝官平章諡文貞文章德業冠冕一世又六世有
諱世英以漢城少尹見高麗政亂與弟郡事光敘少
監光信郎將光矩大歸貫鄉君其十一世孫也曾祖
應泌祖時瑒考重彩皆業儒妣咸豐李氏必大女君
生于英宗丁卯八月初十日歿于今上戊子七

月初九日君質直誠信孝性根天早孤而貧爲僂養
母自野入山朝耕暮耘或樵或漁甘旨竭其力愉婉
致其樂母歿哭泣之致哀喪葬之盡禮人莫不感歎
焉晚年家稍贍常自不樂曰惟我不天少也貧甚不
能盡意於養親今得有餘而親不在矣此豈非至痛
者耶嘗戒其諸子曰余雖無知常竊思之孝是百行
之源學乃萬事之本顧余幼失嚴親不惟不能致孝
又從以失學長奉偏慈不惟不暇典學又不得能養
歿身之恨無地可解欲追喪於先考下世之周甲而
病未遂意此又余之至痛也汝曹知余此意志于孝

勤于學含默處世和順居家睦於親戚信於鄉里勿以善小而不爲勿以惡小而爲之君周窮恤急常若不及宗族知舊子女之孤惻無依者收養而嫁娶之推而及於行路見有飢寒者不吝於解衣推食蓋其天性然也葬右山內雲山里之壺木洞丁坐原配豐川任氏其考曰弘善生後君七年歿先君八年葬右山內石門洞之壬坐原西南距君墓爲十里甚有婦德生四男一女男長慶胤次慶孝肅后次慶旭早沒次慶祿女適韓光國慶胤長男養濟女適崔衡斗申錫一李秉甲而餘幼慶孝五男長曰邦濟而第二第

四爲慶旭慶祿所子慶旭一女適李可右慶祿一女
養濟四男一女皆幼君以名家後裔資稟有過人者
而惜乎其不能致力於文學然觀其實行及詔諸子
語則子夏所謂吾必謂之者非耶慶祿久從余遊以
墓表爲請強病略書之如此云

贈承旨全公墓表

公姓全氏諱命元字君舉號竹林管城之全始於麗
末版圖判書諱侑其後世有衣冠曾祖諱天性宣教
郎祖諱渫叅奉號孤山師友趙重峯先生朴挹清嗣
宗李活溪大叟諸賢有二子長吉承 贈掌樂正次

顯承同樞公以同樞公長子爲樂正公後妣豐川任氏通德郎琬女所生妣樂安金氏麗生女公生于

仁廟己巳八月日幼岐嶷異凡兒性聰敏就學不煩

教督十餘歲通孝經小大學孟子等書及長事親盡

愛敬接人主和厚早業功令晚夏留意向上家素清

貧手寫書籍之未備者以資觀玩尤好朱書嘗抄集

經傳中要語作家訓示諸子明於淑慝是非之辨族

祖有享于鄉祠而因 朝命毀撤者公斥止其重建

議而婉其辭人皆稱歎其善處於難處之地本生所

后前後喪十餘載身不脫衰口絕滋味一室圖書永

矢幽貞晚階折衝副護軍壽資也卒于 肅廟癸巳
大月十五日享年八十五葬于沃川陽南立石村後
乾坐原後以孫同知世沃推 恩贈左副承旨配淑
夫人漢陽趙氏湜女先沒而祔焉生三男長始萬次
始慶始胤 贈叅判庶子始大始伯始宗始業察訪
始綱始萬娶延日鄭護軍之泳女生四男三女內外
曾玄總若干人嗚呼余嘗銘公之祖孤山公墓公之
五代孫孝直又以公墓文見托累辭不獲公之潛德
淳行固多可書而短碣難詳撮略其槩如此

贈承旨李公墓表

余年到古稀世罕同庚一日完山士人李君煥周袖
先狀來謁銘於余蒼顏白髮共是己卯人也余近以
老病絕未副人家文字而於庚老之請其可辭諸按
狀公諱至道字德性延安之李肇自唐中郎將茂征
百濟食米延安至麗朝有諱襲洪太子詹事入我

朝有諱元發左議政歷四世至諱仁忠清白忠直有
文武才官承旨憲公之高祖也曾祖諱弼 贈吏曹

叅議祖諱繼長以學行特拜南部叅奉 贈吏判考

諱彥福進士 贈掌樂正孝友幽人號慕菴自京始

寓全州配全州崔氏生員繼信女公生于 嘉靖己

酉三月二十八日聰慧絕異甫七八歲已知孝友之道定省溫清未嘗有闕隨伯仲讀書篤志不倦既習經傳旁通諸子爲文辭奧雅有作者風踰冠中司馬三昆弟聯璧鄉人榮之名其里曰司馬洞遊泮宮同舍生或談戲怠傲公必端坐讀書人皆起敬曰李上舍警采矣早廢舉業遊牛溪成先生門沉潛性理講究經訓先生待以雅士又從松江鄭公討論理義鄭公稱以大儒當己丑逆變汝立是湖南人而獄辭多蔓延朝家行關本道擇剛明正直士使之查覈公入是選辭不獲與同選人會一堂正色言曰不幸亂

賊出於本道巨魁雖除餘孽猶在。今吾輩此舉關係國家當此莫重之任。或容私意安逃欺罔之罪乎。從公查發不遺毫末。營府稱其公明鄉邑賴以安定。本府聖廟舊基湫隘。公稟營啓聞。南移鉢山下。又設興學堂訓誨生徒。文風丕變。晚築園亭。扁以二樂。蓋寓意於仁智也。一室圖書訓誨。子姪律已。接人必以古訓。教人以忠信。不欺爲本。生徒踵門。隨才啓發。若屬谷金。公東準諸人得傳其學。伯仲二公相繼。喪逝。公救病治喪。殫其誠力。時樂正公在堂。公恐傷親意。每入几筵。掩泣不放。聲樂正公頽齡。遭逆理。過哀病劇。

公嘗糞禱天久乃復常及遭艱喪制一遵文公家禮
至戊子宿病猝劇正色屏醫藥指所儲經傳及朱子
書勉子姪著力迥然而逝卽二月四日也享年七十
葬于樸成洞癸坐原從先兆也後 贈承旨配淑夫
人濟州高氏直長瑀女卒于辛巳四月二日葬同穴
有一男二女男基赫 贈叅判女適林景杞生員李
惇繼配晉州鄭氏千秋女卒于癸亥十一月二十五
日葬公墓後有一男一女男基喆女適朴豪男側室
子基庶武奉事基赫三男惇行惇亨惇憲三女適黃
繼憲府使梁有仁生員金澤基喆三男惇忠惇典惇

和側室六男惇教惇欽惇廉惇賢惇倫惇厚嗚呼公
之事行可書者想不止此而年代玄遠聞見莫逮然
而考諸完山輿地書有曰義明討賊功著興學志行
高潔士林景服此實當時一鄉公共之論也觀於此
可以知公矣

華山鄭公墓表

性潭宋文敬公之門有文行著名甚爲先生所愛重
者成均進士華山鄭公諱奎漢字孟文是已公資性
直淳腦懷坦夷接其容儀已可知其爲善士矣公長
著人鄭氏本系延日顯于新羅而以鎮國功別封于

長鬢者高麗太師諱子輿有諱天龍寶文閣直提學
與子神虎大將軍乙德皆不事我朝歷四世有諱
晉生叅奉贈承旨文行著稱爲栗谷李先生同年
友歷一世有諱東燁文科同樞是生諱森重出爲從
叔東有后寔公高祖也曾祖諱世衡祖諱來僑受學
於陶菴李文正之門無育取從弟來崇長男光欽爲
后是爲公考文藝夙就不幸早世妣豐壤趙氏學生
屋之女豐寧君應祿六世孫也公生于英宗辛未
九月二十二日歿于今上甲申五月二十五日享
年七十四自幼志趣異凡兒不喜華麗稍長好讀書

或至達夜不寐長者慮其生病掩卷使休公拱手侍坐待長者就寢必讀了定限之數自是文理已進及登師門得聞爲己之說則益自勵志經傳以至心近諸書無不熟講深究同門諸人爭相推服以爲不可及爲門戶計從事公車藝業瞻敏聲譽甚盛未嘗以是自多焉公守分謹慎乃其天得而以真實心地刻苦工夫爲受用之地惰慢之氣不設於身謔浪之言不出於口雖閒居獨處衣冠必整常曰人之所以爲人以其有行義也爲學本於孝弟然後可入聖賢之域堯舜之道孝弟而已是以其事親也生而志物之

養能竭其力歿而哀毀之節有踰於禮而朝夕上墓
風雨不廢尤盡心於追遠每當忌辰燬齋致齋一如
祭儀掃庭滌器躬自檢飭將事之夜明衣待雞以致
如在之誠公平生未嘗有所營爲而周恤於宗黨朋
儕不計有無至於塗人之急所以濟之者亦必盡心
以是終窶若逃奴竊牛而不忍盜之終至化服爲良
善不但今世之罕聞而已推而及於微物嘗曰萬物
莫不受天地生生之氣雖蛇虺之類不可無端傷害
也庚子取司馬庚戌春泮試 上親策士以學爲問
公所對居首主文者抑而置第二竟未得第一人莫不

爲之嗟惜而公則悠然也公於性理之論不惟篤守師訓所自爲說皆有依據而病世之徒事爭辨罕與人說及然乎尹芻達遠方之士亦有造門而講質者矣道伯洪公夔周薦公于朝以白首窮經學有根柢爲目可謂得其實而惜乎其未見收用也公臨沒所以勉戒於羣從弟及子姪者皆惇孝弟謹言行之語因索紙筆題之曰乘化歸盡空賦清流之詩鼓缶以歌何須大耄之嗟意氣安閒如平日而惟恨欲著易說以示後人而未果蓋公到老篤工最濇於易矣訃車所到鄉鄰士友咸曰君子逝矣門人及知舊持

服者五十餘人八月九日葬于家後乾坐原配青松
沈氏學生泰鎮女府院君溫之後先沒而耐公墓無
育繼配星山李氏學生舜翊之女左贊成穗之後二
男秀麟秀麒一女適朴華鎮內外孫並幼秀麟以黃
上舍銓所爲狀謁余墓表余文敬公之再從姪也耳
熟於函筵之稱道於公者相識差晚而敬服實深且
余亾弟昔與公居相近而每言公勤謹篤厚足以爲
法於人則可知狀中之無溢辭矣遂不以不文辭而
病裏昏錯不能撮其萬一可恨也已

五代祖同知府君墓表

府君諱基秦字來伯我恩津之宋著自高麗判院事
諱大原名行相傳十四世而至尤菴先生文正公諱
時烈道學事功爲世所宗師從祀文廟文正公無嗣
取從兄大君師傅諱時瑩第二男爲後卽府君也師
傅公以習靜諱邦祚之子出後於從叔典籤諱熙祚
故年譜稱以再從焉所後妣韓山李氏都事德泗女
所生妣坡平尹氏其考掌令烜丙子虜難殉節于江
都府君生于 崇禎己巳九月二十九日資稟純粹
氣宇靜定而濡染家庭不失繩墨發言處事必當於
理待人接物一主於誠 顯宗丙午以蔭筮仕內則

四山監役翊衛司副率衛率掌苑署別提掌隸院司
評軍資監判官尚衣院別提外則祥雲道察訪龍安
恩津二縣監錦山郡守是履歷而龍安時因大臣言
有除講直除縣邑之命蓋據栗谷沙溪奉祀孫已
例也府君濶以爲不安力辭不赴恩津錦山皆未有
數年淹者己巳禍後杜門斂跡甲戌夏化拜平市令
具疏進文正公遺疏 聖批懇惻以致盡傷悔恨之
意仍 命除軍器寺副正陞司導寺正轉禮賓寺正
戊寅以第二男疇錫曾經侍從推恩陞通政授僉知
歷都正戊子陞嘉善階授同知事府君老而傳家遂

恆處永同之大村別墅以其有江山之勝幽靜之趣也考終于辛卯五月二十一日享年八十三鄉里之人誦慕厚德至今不衰焉始葬永同之九灘越八年戊戌奉玄和就前配李氏墓而合窆即水原萬義里之良坐原而文正公兆下也後幾年英宗丁丑行文正公緇禮于清州之青川亦欲遷府君墓以相近而未果焉李氏 中宗大王六世孫都正挺漢女孝敬祥順婦德咸宜年三十五而卒于 顯廟辛丑文正公作墓表致其悼惜之意生五男一女繼配文化柳氏展力校尉慎吾女別葬懷德外南之草洞男長

殷錫縣監姿稟幹局爲文正公所器重次疇錫校理
文章學識爲文正公所期許皆先府君歿次茂錫郡
守次淳錫縣監次晦錫有才行早歿女適都正崔星
瑞長房男一源 王子師傅漢源混源浩源會源而
女適申熙華金儒澤者側出次房男有源教官久源
而女適鄭夏盛申德濬者側出三房子婿和源文源
眞源李著聖金廷澤魚有賜四房子婿正源廣源天
源趙榮禔李彥菴具萬吉權盡性李命禹申大規季
房子婿教官發源金時淨曰崔尚頤沈沆尹志述崔
都正子婿也曾玄以下不能盡錄而曾孫能相玄孫

煥箕相繼以學行著聞于世五房後承勝冠者今百
餘而宗孫外沾蔭祿者亦八九此固文正公餘慶而
亦豈非府君厚德之報也歲某甲得治石埋置于墓
下者樹表而識其陰家乘疎略官資尚有所未能詳
者况事行乎家傳府君平居不以事物經心正衣冠
端坐終日故每澣濯衣服只見結紐痕而已此雖細
事亦可以想得整肅之一端矣

蟠松安公墓表

栗谷李文成先生定居于石潭蟠松安公以晚暮之
年首先登門執弟子禮甚恭公年蓋長先生二十有

三矣噫嘗觀韓文公師說年相若者尚以曰師曰弟子爲恥而公不顧人非笑折其倍長之年服事先生苟非尊德樂道之出於至誠者能如是乎先生亦敬重之必稱之以安丈於此可以觀公矣公諱璵字君珍蟠松其號也系幽順興遠祖文成公裕以道德事功從祀文廟 本朝吏曹叅議從約寔公之五代祖也高祖璟漢城府尹曾祖謹厚校理祖琳禮曹佐郎考處恭繕工副正與寒暄金先生友善妣河陰奉氏叅奉末山女以 正德八年癸酉生公性至孝幼時父母有疾則輒不食苟親意所欲或過中必承順嘗

夢慈顏有詩曰夢見慈顏教訓明叨承鯉對敬趨庭
遇先忌雖寒必沐浴至老尚然丁酉生員筮仕爲冰
庫別坐宰丹城棄歸有詩曰五斗於吾何所補頭流
山下愧先生先生指南冥也公少師退陶李先生又
與曹南冥友善晚遂依歸於石潭携二子曰登講席
不避風雨先生每稱曰七十心經世間稀有又有詩
曰傲人兼逸士水北又山南文會步晨露詠歸穿夕
嵐公遣人書曰初學立志制行當以聖人爲期無一
念退托又曰心一放縱千邪萬惡皆由此生謹獨之
功不可少緩居家雞鳴而起終日危坐戒子孫曰當

以聖人爲準的而初程則孝也若爲孝子雖不爲聖人亦不愧矣壬辰之亂年已八十率子光宗赴龍灣行在路阻入海州遇賊光宗翼蔽公不能得父子俱遇害卽同年八月二十四日也葬石潭北泥峴癸坐原配淑人全州李氏宗親副守孝孫女祔公墓左主二男一女男長興宗宣教郎早卒次光宗生員以殉孝旌閭宣教一男大慶二女適金溶水使鄭楷生員二男麟壽副司勇屢壽軍資監正一女適叅奉趙孝達丁卯罵賊殉節亦旌閭曾玄以下摠略千人嗚呼年代既遠履歷未詳著述不傳造詣莫考但其衰年

耽學躬親有道屏其年齡不懈益虔濂溪之李初平
東萊之潘叔度不得專美於古矣豈非程子所謂少
而好學固可愛老而好學尤可愛者耶公之後孫東
亨以其伯父命來謁余墓文已久而衰病因循東亨
父子遽作古人不勝愴歎余今朝暮人耳恐終負幽
冥遂強病略敘以爲表

剛齋先生集卷之十



